



-40-4514



64853

介菴進
神斷語錄卷六

住秀州二塔景德禪寺嗣法門人圓法編

機緣

師舉臨濟大師云有一無位真人常在汝等面門出
人未證據者看看衆無對師顧遠門禪師云如何是
無位真人遠一喝師云畢竟是何面目遠以袖掩師
口師云別道遠云鼻孔依然向下垂師云三世諸佛
爲甚麼不知有遠云相逢盡道休官去師云狸奴白
牯爲甚麼却知有遠云林下何曾見一人師對傍僧
云汝何不看他下語

撰述

僧問大事未明乞師指示師云與我過竹籠來僧便呈師接待便打僧云爲甚打某甲師云汝這般逐塊漢不打更待何時又打

素弘叅師云汝還識我麼弘云識卽不無爭奈落一

落三了也師便打弘禮拜

一晚師指琉璃問素弘經云如淨琉璃內外明徹爲甚有時明有時暗弘云一任和尚分別師云分別且置畢竟作麼生弘云打破琉璃來向和尚道師云破時又如何弘頓足三下師云正好喫棒便歸方丈牧山叅纔禮拜師便打山便喝師云更喝喝看山云

好個話端師云且坐喫茶

師與牧山茶次有兩居士在坐師顧士云咬咬菱角士罔措師將菱拗作兩橛分士山云作家宗師師云難瞞衲子山云兩重公案師便打山擲下菱角師云山僧罪過山便出

師一日問衆我身體不安汝等還安也未素穎答云老老大大作這個語話師領之

僧叅作虎聲師作怕勢僧擬議師云這掠虛漢直打出

茶次師問天真茶味如何真無對師問天巖云你作

麼生巖遂潑茶師云未在巖遂出

師問古壁你一向在諸方叅得底與我抛却東洋大海裏去舉拂子云向這裏道將一句來古云某甲禮拜和尚師打一拂云更道古便禮拜師亦打

羅子先居士叅不是物話師問今日事如何士云十方三世祇是這個喚作一物便落窠臼師云如何是你不落窠臼底士佇思師云纔涉思惟千里萬里便打一如意

師問如何是探竿影草一僧云情知和尚出某甲手脚不得師謂僧云是你答底那僧云是師云却是你出我手脚不得

打
師一晚論一喝不作一喝用僧云和尚曾有語麼師云有僧遂問師便打僧擬答師云當時有人與麼問直打折一條拄杖子僧云說甚麼當時語未了師又打

元旦東巖間堯風蕩蕩舜日熙熙新年頭佛法請師祝聖師舉如意云萬歲萬歲巖云恁麼則一人有慶兆民賴之師云亘古亘今巖云還許學人讚歎也無師云試亂統看巖便禮拜師云今日且放過既白叅師以杖畫地云向這裏道一句看白拂坐具

云道個甚麼師便打白喝師云胡喝亂喝白云還喚作喝得麼師亦打白禮拜

履坦叅師云道得也一棒道不得也一棒意作麼生坦云自遠趨風合施三拜師便打坦云今日始遇作家師又打坦云和尚得與麼老婆心切師云你那裏見得坦喝師亦打

師舉趙州勘婆話問疎我那裏是他勘破處我云瞞和尚不得師云勘破了也我擬議師便打師問祖印清風拂翠竹白日印青天且道是何意旨印云秋來分外涼師哂之

一日既白呈頌次師云那一則頌也未白云早已頌過了也師云何不呈似老僧看白展兩手師便打天蔭叅師云那裏來蔭云吳江師云這樣大水安得到底裏蔭云無毛鵝子潑天飛師云昨日雨今日晴又作麼生蔭云和尚不得分身兩處看師便打蔭便喝師又打

師爲亡僧舉火回僧問亡僧遷化向甚麼處去師云猫僧擬議師劈面掌出

僧叅師云那裏住僧云普賢寺師云曾見普賢麼僧無對復問洞山麻三効意旨如何師云我適上山來

走得氣急歇歇向汝道僧茫然師云去

一僧求開示進堂師云你做什麼來僧云巡山師云
昨夜賊來偷竹子去你還知麼僧罔措師云你且去
巡山

僧問如何是學人親切處師云一棒兩條痕

僧問如何是祖師西來意師云金風吹秀水桐葉落
莓苔居士問盡大地是刀鎗不動干戈如何得勝師云山
僧從來不眼花

陸君重文學問經云受持四句偈等不知那四句是

師提起數珠云向這裏會取士禮謝師示偈云瞿曇
宣妙偈不屬前後句當機覲面提我無隱乎爾

高峰僧叅師云你是高峰那僧云是師云既是高峰
爲甚在我脚下僧無語師便打王峰叅師問那裏來峰云江北師卓拄杖云還識得
這個麼峰云瞞某甲不得師便打峰禮拜師云納敗
不少

王峰入室師豎起拂子峰便喝師云從上佛祖盡向
這裏流出你還見麼峰云這夥老古錐又恁麼去也
師云你甚處見得峰又喝便禮拜師云三十棒一棒

也少不得遂擲下

上問叅禪悟後人還

有喜怒哀樂也無山云逆之則怒順之則歡師云金明則不然曹云和尚如何師云但對道不是喜怒哀

樂曹大悅

禹公叅師云那裏來禹云棲雲師便打禹禮拜師亦打茶次語及叅禪師云我這裏無禪與你叅禹云恁麼則孤負學人來也師云原來是個禪客禹云和尚不得壓良爲賤師云識甚好惡

僧問承聞和尚有四破如何是破破師云卸甲倒戈

全體現如何是不破破師云阿旁獄卒悉叛降如何是破不破師云王令已行天下徧如何是不破不破師云將軍塞外絕烟塵僧禮謝師便打

師問衆云昔年我在興善時聞殿上賊偷靈聖去曾有一問既是靈聖因甚被賊偷却衆無下語今日汝等着語看王峰云也是抱憾呌屈師領之

居士問供養百千諸佛不如供養一個無心道人既然是無心爲甚受人供養師展兩手示之

又問猝風暴雨中路相逢如何躲避師云看脚下陸元度居士叅師云南老人錄請得來麼士云在師

撰述

外傳神師詩錄卷六

七

云在那裏士展兩手云請和尚看師云且待來日僧問昔有一鬼障佛光明失其兩眼只如打破琉璃又作麼生師云徧十八

僧問經云毀謗三寶應墮惡道卽如打僧還有罪過否師云不罪過僧云爲甚麼不罪過師云得人一牛還人一馬有甚麼罪過

師同蔡子穀居士閱雪嶠和尚初參龍池幻老人機緣幻豎一指云會麼雪云這個喚作甚麼幻微笑次年又參穿草鞋直上方丈幻云你草鞋猶未脫也雪云何處見草鞋來幻又微笑師對居士云你看他兩處微笑是何意旨士看畢復問云還是肯他不肯他師云但看卽得士云一點水墨兩處成龍師亦微笑師問田道耕居士云田中事作麼生士云荒蕪久矣師云將何納稅士云也要和尚出隻手師云何苦殃及士便禮拜師示偈云良田本得不多爭道眼分明豈斷耕且喜秋成家業穩法門零落賴扶撐師經行次立住問衆云龐公倒身靈照相救趙州抱柱南泉出手金明也不倒身也不抱柱汝等作麼生相救衆下語不契師云蒼天便歸方丈侍僧云當時無趣無幻二老人常在范蠡湖頭步月

60 1 2 3 4 5 6 7 8 9

10

80

1 2 3 4 5 6 7 8 9

有機語載在錄中師云我未住金明時石雨和尚在敬畏庵上堂僧問如何是無趣塔中事石云金明寺前看取後石遷化我住金明這段因緣爲是神通法爾爲復別有奇緣侍僧無對令衆下語一云難逃業債一云月沉湖底靜千古逼人寒一云溪深杓柄長一云龍騰雲起虎嘯風生師云有甚交涉衆請師代語云不因同道者埋沒老天封

師揀藥次一僧呈偈師接槎作團問云且道是病是藥僧云是病師便打復喚一僧云你道是病是藥是云是藥師亦打汪居士云藥病總不是師亦打

師與王言遠方伯茶次談及法門事乃云近見得道者易莫非菩薩否師云居士你豈不是菩薩只恐不自信耳士點首

僧問如何能由境滅師云閻黎進云如何境逐能沉師云還見老僧麼進云如何境由能境師云此間無老僧目前無閻黎進云如何能由境能師云目前無閻黎此間無老僧

師垂語云數珠顆顆圓活爲甚被一線穿却勇云知恩報恩師云那裏是知恩處勇云船外風聲師云沒交涉真化云全承渠力師便打

僧問諸方要出頭和尚爲甚不肯師云任他浩浩地我觀大清國裏沒有個出頭底僧云如何是出頭底師云石敢當

僧舉古德月落後相見話師云月落後作麼相見衆下語不恰自代云三十年後要舉此話也難得一日行者着境師以杖擊之者聞鬼神相喚云和尚來也我們去行者方脫師垂語云若道無鬼神爲甚他與麼道若道有鬼神他爲甚懼老僧衆下語師代云金明今日失利

師問何花爲尊貴衆無對師示偈云不屬陰陽造化功劫前開出少人逢若知問處真消息一朶優曇火裏紅別傳答云天然尊貴絕施功曉上分明處處逢若可拈將來舉似依然瞽者覩青紅呈師師云如子所見以何爲證別卽禮拜師便打別云請和尚歸方丈師乃休

師問別傳如何是出頭一句別云天上天下師云猶未出頭在別便喝師云好一喝別默然師云你問我別如前問師云去取水與老僧別禮謝

春秋獄居士看師法語次師云連日被衆居士相逼今日又塞責一上士云正是和尚老婆心切師云又

被你居士看破

曇維那入室師舉臨濟大師橫也打豎也打如何意旨曇云徹骨徹髓師云子如何免得曇云某甲知恩有分師云如何是你知恩處曇便掌師云你亦將虎鬚那曇便禮拜師云只如人問你獅子窟中事你作麼生曇便喝師云還別有麼曇云有請和尚問師云老僧問過了曇云某甲亦答過和尚了也便出僧請問工夫師云你會喫飯否僧云飯會喫師云將甚麼喫僧云將口喫師云口不自動如何會喫僧云將心喫師云心無形相作麼生喫僧無對

懶若參纏入門師云看檻若至坐具師便喝若亦喝師云更下一喝看若云又要某甲再道那師打云也少這棒不得若禮拜云謝和尚證明師亦打

曇維那舉女子出定公案師云文殊罔明出得出不得且止你喫什麼作定那云今日不說師云爲甚麼那云明日向和尚道師云子見如是已喫我三十棒了也那便禮拜

項別駕參問涅槃心易曉差別智難明請問和尚如何差別智師云差別且置涅槃心在什麼處士云弟子只是說不出師云這便是差別了也

撰述

大智師譜錄卷一

十一

性侍者參禮師與一掌性云和尚可聞雷麼師又掌性禮拜師云可惜兩掌性一喝師云好一喝性擬答師與一喝性禮拜師便打

僧問四大分離法性在何處師云水漲船高

三僧參禮師便打一僧喝師云不是那一個看打左僧左云這老漢漏逗不少師又打右僧云放過則不可右僧云今日只得且啞師云且參堂去此項居士參三不是話一日呈解師盡情掃闢乃云此事不從人得士問云師從何得師舉茶杯士佇思師云你作麼生士舉拳師正色云死了燒了在甚麼處

士無對師震威一喝十驀然禮拜師以如意打云見何道理便禮拜士云道過了也師云今好留心

除夕徐敬可朱晉臣二居士參師敬可問年三十夜到來時如何師云窮士云新年佛法作麼生師云明日向你道士云除却新舊正當恁麼時如何師喚小童云打茶與居士喫

黃道婆避大兵歸參師云你避在何處婆云避在和尚處師云因甚我不見婆云若見依前眼裏又添沙師云若見則不避在和尚處

師一夕與隱松孫樹下經行次問馬祖三十年不少

撰述

卷之三

三

鹽醬意旨如何隱云問他作麼師云也須知始得隱
云老和尚又如何師云古木交加一天風月

師與祖巖論及宗門中事巖云若論平實一路猶可
商量陟險一機人難措置師云正好下語巖云須是
和尚始得師云杜撰禪和巖云且放過和尚師云亂
統巖禮拜云真豐罪過師云却是我放過你

師問田頭云你在家種田出家種田若道同原是俗
人若道別爲甚在家六科出家亦六科田頭罔然
師訖月云汝等看月在樹裏樹在月裏一僧云祇在
目前師云你參學多年俗氣也不除

師遊何山前有獅象兩山卽垂語云獅子廻旋象王
奮迅此名何山復是何物古首座云瞞和尚不得素
維那云綠陰深處囀黃鸝別書記云行人更在青山
外師問斐公云你聾斐云兩眼對兩眼師云何不道
獨坐大雄峰斐云有和尚在這裏師云墮也墮也斐
云讓老漢一頭地師擊禪牀三下斐云又上一層霜
師云大好山水

師問一士云既是宜興貨爲甚麼在你店裏士無對
師代云和尚莫捨奪行市

曹方伯赴任廣東過別師送至門伯云乞和尚行道

法師驟步云至此以代遠送耳遂歸方丈

師問晒菴興化受臨濟付後復向三聖大覺爲復顯揚家醜爲復別有商量菴云和尚是何心行師云正要你疑着菴云疑着則錯師云如何是不錯底菴轉身便禮拜師打一拂子

師問竹菴殃崛產難因緣你作麼生菴作呱呱聲師云是男是女菴珍重作禮師便打師問竹菴女子出定文殊乃七佛之師因甚出不得閻明初地菩薩因甚却出得菴云文殊用盡腕力錯用牛刀閻明因風吹火迺出乾坤總是一狀領過師

云祇如老僧常在定子作麼生出菴遂高聲云和尚師良久云汝道老僧出不出菴便捧壺作斟茶勢師大笑

桐邑陸大勝居士舉世祖問本陳和尚云如何是孔顏樂處答云一個閒人天地間又問玉林和尚答云憂心悄悄此二語和尚以爲何如師云金明又不然陸云乞爲垂示師云我與居士且喫茶陸大悅

師問佛音螞蟻負一座須彌山遶四大部洲轉汝還信得及否音云信師云作麼生音便扣桌一下師云亂道

可度參師舉如意云道道看度云道什麼師云當知受用不盡度云知恩報恩師云作麼生度抽具便出師到三塔方丈問王峰長老云這是什麼像王云送子觀音祈求心應師云與人祈何不自求一個王云求底不是子師云恁麼更須着力

師一日看花間潤生花紅耶眼紅耶心紅耶生微笑便歸堂師示以偈曰花不自紅心眼非憐兒擲下釣鰱磯雖然微笑歸堂去也是如蟲禦木機更下語看生云再犯不容師云亂道

衡山叅纔展具師便打山喝師云是何意旨山擬答

師又打山又喝師復打云且道是賞是罰山禮拜師亦打

師與銓部文鐙岩居士茶次云及東岩山鐸二子在廬山話師云昔有貴鄉黃海岸令嗣來貧道病中失晤士云黃老師無嗣師云今日幸晤士云斷橋老人在何處師便揮扇一下士乃俛首師云請茶戒庵主看臺幃師云你被紅綠換了眼睛王云換他不得師云如何換他不得王豎拳師云你問來王問和尚如何師云紅紅綠綠王點首師云紅紅綠綠你如何會王云臺子四隻脚師乃休

許無聲文學請師開示師云曾看語錄否士云曾看臨濟在黃檗哭棒公案弟子領會得師云你作麼生會士云待和尚棒便會師云與麼則落七落八鉢置了也士云思師云我有三十棒你未入門早已哭我也還知麼士固然師云你但叅取這棒去少頃士禮拜云真馨不待和尚棒師云你喚什麼作棒便打士踴躍而退

一日在維那纔入方丈師便打云會麼在便喝師云臨濟四喝漏逗不少隨一喝云會得這一喝恩大難酬復喝一喝在乃珍重出禮三拜師可之

問答

僧持興福牧雲和尚十問

乞師代語

問雪子落紛紛因甚變成雨

師云漏逗不少

問河路既通楓橋船因甚不到

師云利動君子

問久旱逢甘雨物情皆喜爲甚麼石敢當只是不點

頭

師云作家作家

問昨日雨今日晴覆盆之際尚可容光庭前竹子心裏日月如何炤臨 師云一莖兩莖斜三莖四莖曲問路逢劙客須呈劙不是詩人莫獻詩且道函人與矢人相見要得投分呈個甚麼卽得 師云用呈作

問相看兩不厭只有敬亭山且道敬亭山具甚麼眼

師云清風匝地

問一錢爲本萬錢爲利早晚時價不同因甚滯貨不
脫

師云阿誰識得伊

問炙背可以獻天子大好笑事因甚載留典籍

云今古罕聞

問色斯舉矣翔而後集因甚山梁雉鳥撞入網中

師云達者方知

問既是村僧理合隨緣因甚只想山中 師云今日

失利

答鐵輪法孫監院大慈庵八問

問歇心堂七穿八穴爲甚却向桃花塢裏卓錫 師
云不是苦心人不知

問慈行樹在地擗天因甚舍元殿蓋覆不得 師云
汝不枉爲我孫

問百步溪魚行水濁鳥飛毛落未審亮座主卽今甚
處安居 師云切忌妄通消息

問掛笠軒日視雲霄毘盧師法身主拋向爛草堆頭
阿誰着眼 師云待虛空撲地却向汝道

問示耕室個個披蓑頂笠露地牛全無巴鼻爲是鴻山舊例百丈繩規 師云三十年後有人悟去在問大慈院釣風弄月打水魚驚還是爲人句別有道理 师云莫謗老僧

問勝山居竹影穿窓蘆花透室畢竟爲祥爲瑞 师云汝廬山到此一千八百里脚下猶帶泥水在問甘泉池世所罕逢大慈近日朝烹暮煮爲甚無人飲着 师云老僧許伊具眼

答僧問十智同真

僧問如何是汾陽十智同真師彈指一下云會麼僧云不會師云逐一問來

問如何是一同一質 师云軟如綿硬似鐵

問二同大事

師云飢時飯倦則眠

問二總同參

師云魚龍蝦蜆

問四同真智

師云猫兒偏解捕鼠

問五同徧普

師云總跳不出

問六同具足

師云阿誰欠少

問七同得失

師云衣破露出肘

問八同生殺

師云倚天長劖逼人寒

問九同音吼

師云驢鳴犬吠

問十同得入 師云看脚下

問甚麼人同得入 師云突出難辯

問與誰同音吼 師云一掌一握血

問作麼生同生殺 師云賞罰分明

問甚麼物同得失 師云拋出大家看

問阿那個同具足 師云眼裏無筋一世貧

問是甚麼同徧普 師云空裏念摩訶

問何人同真智 師云無孔鐵鎚

問孰與總同參 師云清風拂白月

問那個同大事 師云啣鐵負鞍

問何物同一質 師云漆桶不快

答龍岩問六刮

問如何是就毛刮塵 師云你問我答

問如何是就皮刮毛 師云忠言逆耳

問如何是就肉刮皮 師云賴知痛癢

問如何是就骨刮肉 師云直教他死不得活不得

問如何是就髓刮骨 師云墮也墮也

問祇如髓又如何刮 師云待剝竿倒却卽向汝道

全豁問臨濟大師云第一句薦得可與佛祖爲師如何是第一句 師云千聖莫測云第二句薦得可與人

撰述

方正藏藏印 言錄卷六

天爲師如何是第二句師云突出難辨云第三句薦
得自救不了如何是第三句師云有問有答云三句
已蒙師指示最上宗乘事若何師云徹骨微髓云卽
今堂奧中事又作麼生師云終不向你道云臨行一
句有何分付師便打全一喝師云再喝喝看全禮拜
師云禮拜始得

師云落葉知秋晚逢烟見火遲歸鶴鳴古木幾度好
風吹有應時底不妨道將一句來梵爲云不道不道
師云爲甚不道梵云只爲公案現成師云現成在何
處梵便喝師便打

垂問

卽事十二問

秀州古寺莫不南面且道金明爲甚獨背却

人皆曰富若陶朱及乎到此爲甚赤骨纏地

構李亭覲面相呈爲甚往來寺前不見

一擊忘所知更不假脩持且道他香嚴悟個甚麼
盡法界是個阿字圖爲甚有入與不入

天封室貴在藏鋒密用爲甚相逢便劈面一錐使人
無廻避處

古云范蠡湖有龍出現今此潭深水清爲是浪得其

60 1 2 3 4 5 6 7 8 9

70

80

1 2 3 4 5 6 7 8 9

撰述

介菴禪師詩錄卷六

名爲復風雷乘便

獅子窟中應無異獸因甚有此狗子

范蠡大夫越國臣子爲甚却居吳地

徧地葛藤如許得何神通不被絆倒

百城環繞川流不息千佛閣坐斷要津且道各逞神通爲復別有道理

一條白鍊掛在山門見與不見總被穿却如何免得此過

祈雨垂問

各處人人妄想爲甚祈不得雨 自代云正好疑着

一處不妄想爲甚却自得雨 自代云祇是少他不得

天道至公無私爲甚有得有不得 自代云蒼天蒼

天人問老僧要塑一尊祖師像且道祖師法身高多
少自代云請和尚度取 又云恰好

卽事垂語雪月爭明梅花大笑爲甚麼却被露柱不
肯自代云不經一事不長一智

垂語好肉生瘡不爲分外因甚要割而治之自代云
貴圖天下太平

師喜隨衆務一日侍僧勸止師卽垂語云百丈一日不作一日不食爲復無人代作爲復爲人榜樣衆下語不恰乞師代語師云慚愧

師垂語人人有個鼻孔爲甚不知香臭一僧出禮拜師便打

臘八日陳渭如居士送善財來師問天隨云今日善財入門你作麼生隨云正是好消息師云好在什麼處隨云在這裡師云親切道一句看隨云穿衣喫飯便禮拜師打

介菴進禪師語錄卷七

門人永修 真淨 真璣 性嚴等編

佛祖贊

釋迦文佛

萬德洪名不必論普天匝地盡埋根老漢意孰知恩
蠱毒之家水莫吞
彌勒菩薩
灰頭上面笑咍咍布袋橫拖要打開衣破襪殘渾不
顧欸欸只等個人來

觀音菩薩

古釋迦不前新彌勒不後惟有這老婆却是較些子
湧渤海波濤於桑隴之中坐洛伽山巖於鷲川之上
垂頭接引側耳思惟無字經置之高閣破沙瓶且得
施爲只是不合賺他善男子傾心合掌善女人露膽
獻珠驚起紅嘴白鸚哥或翔或集無有定期咄好與
三十拄杖時有傍僧云忽有人出道這個老和尚予
卽向他道只一杯茶少你不得併書以供養

又若愚法孫請

放下蒲團兀地打坐賣盡風流淨瓶揷竹這些心事
許誰知幾片白雲又飛過

又身雲法孫請

輪珠蒲坐淨瓶楊柳不拯沉溺方木圓寶且道是天
竺觀音爲是普陀大士咄虾跳不出斗

又陸元度請

亂艸堆頭揭開肝膽清泉盡上橫放楊枝試問元度
居士是何意旨道道

關中觀音

老漢之慈悲非心所測非口所宣予又烏能贊之哉
但不違我願成就我志恩莫能酬且道伊在關中作
甚麼一張木几一爐香獨坐蒲團竟日閒

60 1 2 3 4 5 6 7 8 9

70

80

9

換述

化學神龍記錄卷七

出海觀音

復禪人請

聞性既滅音性亦空能所雙泯唯顯其中隨類應機
罔不圓通咦洪濤說法何人委又使鶯啼到綠叢

飛來大士

周摩雲請

大士慈悲豈唯巖竇童子鶯篁却成漏逗笑殺傍觀
門外走

初祖達摩

見貴則價重婆娑遇賤卽分文不值驀頭撞到范蠡
湖聲聲唱出無平仄有平仄剛對君王道不識咄

又

題祖燈圖

三塔王峯長老請

梅雨初收晴川歷歷一片清風迴絕塵跡王峯王峯
何得無事生事特特請我祖孫父子作麼今既到此
你且燒香供養我爲問候趣祖默然幻祖云我今日
事煩南祖云我今日勞倦篤師翁云今日不着便我
乃大笑云一個頭若玉巖作大獅吼衆獸腦裂外揚
家醜一個眉清目秀與賊布梯破家蕩產冷煖自知
一個面如滿月慣賣死貓昨日賺錢今朝失利一個
骨瘦如柴拈隻折箸擰天扭地更有一個無面目漢
敲骨打髓討甚麼碗汝住龍淵已數年也行難行事

翼
述

介龍師言錄卷七

將此破家私乾屎撮麻三筋一時漏洩不獨令人瞻仰取足輝映于四方矣設若有個忤逆兒孫到來又作麼生切切

八人矣云一兩頭春玉雞和大脚子火雞鵝鴨鷄
今日幾番葛綢孫云今日不當說
且說香姑有心試問外甥女想探本源云甚今日
所售羅穿主事朴朴請外甥女父午朝參摺腰道

九年面壁弄巧成拙當時不遇神光看他坐到驢年
也轉身不得若是忤逆兒孫一拳打倒這老賊

隻履西歸忒煞之遼回耐宋雲漏逗不了葱嶺風高
月交交

天封佛慈禪師

橫拈柳栗繼起圜悟綱宗倒用鉗錘直接祖照弘範
開創嘉禾范蠡湖上放蜂採蜜大坐擎頂天封寺裏
打鳳羅龍及乎五百載深藏忽爾一旦時揭露冤無
頭面目既彰債有主遺踪莫覩咄道是佛慈老漢之

風規却成千古鈍置之漏逗

無趣老人

三笑耳聾雞鳴眼突頭長如泰山之頂迥乎莫攬鬚
眉若凍巖之雪凜乎難窺范蠡湖打草驚蛇敬畏庵
開門放賊且道阿誰無趣古佛

又

鼓翅雞鳴起野翁於福城院中驚蛇打草接車溪於
范蠡湖上斷佛祖之命根以吹毛瞎人天之眼目作
榜樣而今高揭金明寺裏一任脚下兒孫拾乾屎當
梅檀爲供養

無幻和尚

擊碎驪龍珠翻轉祖翁田地跳出猛虎穴收得原本
契書裂破面皮蝦佛祖於雙徑橫拖泥水定基局於
車溪這個老和尚從來不識伊顧左右云還有識得
者麼道道合註題合註題固註題入口那人便說
又

雙徑峰頭拾得契書鶯鶯湖畔翻轉田地打開基局
滿盤不容捨行奪市爭奈一着落在金明手裏咄只
許老漢

又

60 1 2 3 4 5 6 7 8 9

10

80

1 2 3 4 5 6 7 8 9

撰述

外卷詞語錄卷七

捨奪行市半盤棋局打開撥草衝關祇爲難逢敵手
碎佛祖窠窟祛衆生械杻振起斷橋作大獅吼謂是
徑山和尚又是車溪老叟

南明和尚

秦溪掩室幻翁跌足於關前雙徑指揮雪嶠呈鞋於
座下明頭合暗頭合佛祖岡措殺人刀活人劔孰敢
當鋒自非久炙巾瓶而烏能蹈其高風耶

又

這個老禿中車溪毒不宥懸羊頭且要賣狗肉慣作
死馬醫將佛慧命續致令後昆贊毀莫及夫是之謂

人天眼目

又

面如月心似鐵直指人口無舌黑竹筇藜頭楔陳葛
藤和根截個是阿誰車溪嫡血

鶯湖先師

豎法幢兮建溪山頂理頽綱兮鶯水湖傍滅正法眼
藏兮雙徑剪邪見稠林兮獅岡橫拈榔栗端坐匡牀
繼懸絲之慧命啓末劫之津梁且道是誰傳臨濟正宗
三十世普明老和尚

又

支那

金華禪師語錄卷七

五

撰述

外書卷之二

五

這老和尚在徑山檢故紙獲得些子便向異類中行
披毛戴角顛三倒四換却天下眼睛金明忍俊不禁
揭示當軒喚侍者快燒柏子薰伊鼻孔何故雪屈雪
屈

又 王峰上座請

這個老漢平生別無所幹隱遁山林數十年家風零
落從天判禪者叅尋白棒當頭按臨濟綱宗斷橋公
案撞着忤逆兒拈來俱坐斷分付王峰揭起令人看
自贊

湖州栢山素弘理長老請

一莖草上現丈六金身是甚麼乾屎橛更打圓相作
女人拜呈拳進前拂袖退後要相見也大難道饒喝
上梵天撲下來亦未向紫羅帳裏撒真珠在是何面
目問取蘭若理

夢堂倪請

通身沒形影徧界絕遮藏覩面無回互薰風徹骨涼
夢堂夢堂又安可以累兒孫半滿偏圓乘獅象家醜
外揚弗弗

徽州璨首座請

這漢絕無打算隨緣應度或慈或喜或嗔或怒把爛

60 1 2 3 4 5 6 7 8 9

70

1 2 3 4 5 6 7 8 9

80

1 2 3 4 5 6 7 8 9

90

撰述

井索穿却佛祖鼻孔將折木橛獨瞎人天眼目作大
闡提入無間獄爲甚如此問取東巖首座

揚州旣白旭上座請

個阿訥甚古怪質拙性粗心直口快偏不入錦簪化
且向寒爐着炭了人天宿債幾坐道場累破上牢漆
桶推倒我慢高山扶起天封石塊接斷橋之源出車
溪之派橫身不顧泥水之拖帶魔窟虎穴之利害直
饒胡漢齊來管取一時捉敗旭首座汝旣知不須家
醜外揚自有清風下載

烟西堂請

咄哉癡老年登半百猶不知命喫瓔珞粥全提正令
賺他千指龍象蹴踏范蠡湖頭力挽澆漓之病這般
面目那堪爲末劫之大柄烟西堂切勿效伊如此之
道行

王峰法請

倒用橫拈全提正令就裏一機不通凡聖獨坐當軒
更爲誰峰高聳出天涯淨

高峰淨名雪子上座請

耳側腮邊眉橫曉上不善韜藏露出模樣有時高高
峰頂擊響敵空有時深深海底無風起浪及乎金明

冷坐一十二載惡聲徧布辛自可憐生豈堪更與天下人瞻仰莫莫

性侍者請

咄哉老漢通身是病袖裏金錘斷人性命倒用橫拈維持正令巍巍堂堂佛也難近爲甚更有這個喎我住天池及蠡水提瓶挈杖曾親證阿呵呵休錯認斷橋水長少室風唆

江西源書記請

一雙冷眼青白相半踞坐匡牀觸事而斷剖萬劫之訛定千古之案豈容末世魔魅之胡亂是以直指迷途寒光烜煥何似秦時輶轔鑽呵呵今旣落丹青之手一任瞻之仰之呼驢喚馬於松岫峰頂之畔

琳維那請

胷中沒個字佛手驢腳棒頭有隻眼醍醐毒藥是非不到處千聖也難摸琳維那逢人切莫舉錯

清湛上座請

這漢初無隱匿全沒準的不論親疏貴賤相見一味粗率有時十字街頭嘯月眠雲有時孤峰頂上喝驢趁馬有時搭黃衣提陳爛之綱有時拈白棒整荒殘之席招佛祖怨結人天賊如此爲人笑破諸方唇吻

根述

介菴禪師詩錄卷之二

安可起模畫樣作後昆之標格清監院湛知客快把
付於水火之中免得大家殃及

真禪人請

臨濟一隻箭斷橋一口劔袖手不善藏端坐露方便
露方便白日青天轟閃電八萬四千摩尼珠撒向閻
浮見不見

慧侍司請遊山

千年松下有茯苓堆蘚石邊有毒貨老僧既到此不
妨與說破將謂目視雲霄翹足而墮殊不知澗水響
潺湲兩腿酸如醋咄一片白雲又飛過快拿拄杖子
來莫要坐此賺他描摸青天箬帽大

圓監院請

看你這個臉嘴宜乎貶於隱川之上負鑊披蓑裁田
博飯示耕室得一種生機掛笠軒有無窮趣向咄但
宵歇心同話會不堪賞處也堪賞

項牧公居士請

康熙甲辰元旦

眉罅突雙睛鼻端垂兩孔剛拈榔栗杖聖凡俱罔措
謂是介菴鏡裏求形謂非介菴木中撈月唯牧道人
乃知源核無限春風吹入極一輪新日上孤峰咄
廬山中峰湧蓮鐵輪法孫請

60 1 2 3 4 5 6 7 8 9

10

1

2

3

4

5

6

7

8

9

標述

外祖師譜錄卷之九

描不成画不就更說甚麼頂門眼正肘後符靈若是跨竈兒孫定不外揚家醜呵呵秋月隱川曾命事春風又欲上匡廬

楚黃石丈法孫請

文殊三處度夏老僧三處過冬道同迦葉擬擯道別
石孫請訣面目甚分明當陽難掩拙爲汝遠來隨侍
安可與之饒舌咄棒頭滴滴是鮮血

溫州靈峰法孫請

心潔勝月骨硬過鐵這個阿彌佛祖岡測年來老大
不善藏又累兒孫揚醜拙且道是何面目咄咄

金明監院請

世尊說法四十九不曾說一字矢上加尖金明出世
四十九唯袖手兀坐加尖矢上若以語默動靜逸摸
其行儀何啻天壤哉汝不我欺皆當作佛

隱川監院請

這老禿奴終日哆哆唧唧智中一字也無不特他人
不識自己不知者乎饅頭邊相逢鈍置不論是佛是
魔更使問法問道安可與之如何若何居常雖無侍
者眷屬匝地寧有親疎針劄不入匙挑不上却向無
措足處婆娑與麼不與麼且道是毒藥醍醐若也道

得猶在半途其或未然破沙盆也要人扶隱川一陣
清風起黃葉飄飄不較多速禮三拜呵呵

覺禪人請

驅耕夫牛揚良馬鞭便恁麼去且見一邊不恁麼去
猶隔三千畢竟如何乞我一文錢

如侍者請

這個滯貨賺斷王顧不落聖凡端坐冷舖笑倒諸方
欲隱彌露倘遇其人定然勿肯放過咄

明心戒庵主請

咄哉這老漢肘後懸符眉間掛劙是聖是凡一刀兩

段却來鴛水之旁示大悲心隨類化現還有知恩者
麼鶉衣披起坐木榻白拂橫拈爲阿誰看看

三塔王峰長老請

癸巳寫我形丙午重乞贊屈指十四年看來都不像
自己尚不識云何爲人樣呵呵今且坐三塔起廢席
于兵燹場中整頽綱于馬糞堆裏不論是佛是魔殺
人不眨眼將軍也須倒退萬里何故自從胡亂後二
十載不少鹽醬

先福別傳長老請

老白拈人叵測面目甚分明覩伊沒影跡隱顯以時

60 1 2 3 4 5 6 7 8 9

10

80

1

2

3

4

5

6

7

8

9

標題

外傳詩錄卷之二

喜怒不一駕斷橋而橫亘宇宙忽教度驢度馬灑鶯
水而瀰濶乾坤畢竟成苗成實惟別書記具那隻眼
知我之律請題供養乃示之云何必

易贊

大哉古羲初無言說肇開混蒙惟此一截畫破太虛
七花八裂消息既露是誰甄別文王周公孔子三人
證龜成鼈

題陸欽華居士行樂

法名真和

探玄探妙猶非究竟入佛入魔亦非分外擬欲徹法
源底更須向萬仞崖頭撒手一回通身白汗始得慶
快切莫坐在山窮水盡處賺他携籃負饅採得靈芝
自爲足矣咄個是阿誰

題項別駕小像

標述

介都神印詩錄卷之二

裴休請黃檗安名長毬求石頭點眼今日牧公乞金
明題像這三個漢不論是緇是素好與三十拄杖何
故咷松下石邊橋流水響

題錢子無居士小像

身披衣頭頂笠手携筇脚踏屐昔人行處不能藏却
把春波漫陶澤相看更問擬何之四事分明爲君擲
咄

題淵若師小像 獨炤堂請

神清眼活髮冰霜齒密耳聰貌古蒼持木橈坐石牀
此是九九翁之行藏吾欲贊之言辭荒願師溫飽獨

炤堂還將散步於簫管

題張道生居士像

從來不相識纔見便禮拜視之信有餘聽之情未解
白白一臉鬍黑黑雙睛帶遠坐擬思誰張公喫酒李
公醉咄試問道生居士李公是何面目與人緣而無
礙

栢山素弘理長老像 寶如法孫請

這風顛漢慣捋虎鬚誰知我正法眼向這瞎驢邊滅
却栢山峰頂呵佛罵祖坐斷天下人舌頭山東寶孫
請歸法源供養不是好心將刀斧斫不開底面目揭

60 1 2 3 4 5 6 7 8 9

70

80

9

撰述

介善禪師語錄卷七

七

示大衆還見麼切莫覩着覩着則瞎咄

又身雲法孫請

一莖種草親爲記
荔蘭若芬香栢山結果將父子不傳之妙死猫頭扶起破沙盆能縱能奪能殺能活夫是之謂行解相應名之曰祖今身孫愍懃請贊其師朽不知伊何劫中結此冤家又殃及祖禰也呵呵

三塔王峰長老像

心宗法孫請

這癡子不嚮人天福慣行苦薩行馬糞堆頭湧出坐斷要津龍淵深處翻騰自由縱奪挽頽風干末季整廢席于今時齒登六十窮且益堅更有一着千聖不傳淮安心孫傳歸供養令衆瞻禮知伊耳朵在腮邊珍重

60 1 2 3 4 5 6 7 8 9

10

1 2 3 4 5 6 7 8 9 80

1 2 3 4 5 6 7 8 9

拾遺

卷之三

法語

授素弘理上座

達摩西來不立文字惟以直指人心見性成佛可大師斷臂安心盧行者黃梅踏碓以至臨濟喫三頓痛棒棒下兒孫焉用文字耶已丑春有舊識理上座叅予金明刻究此事眉毛撕結已數載矣今辭去乞予數語正所謂不是冤家不聚頭耳偈曰直指本無說無說說直指今付直指時直指直指旨

與祐上座

今名真倪

欲識佛性義當觀時節因緣今病僧出山住個破院

支那

金華禪師語錄卷之三

古

60 1 2 3 4 5 6 7 8 9

10

80

1 2 3 4 5 6 7 8 9

撰述

祇爲普明先師有未了底公案所以與他了却不如意
有個祐上座撞入金明覲見轉轉不能了也且道作
麼生了偈曰妙道本無傳無傳真妙道無傳今亦傳
無道道亦道

示啓上座

達磨西來唯宣指教外別傳不立文字以度衆生若
假異方便接人祖道安有今日哉嗟夫近世有稱宗
屬者銜耀見聞鮮務正行斯皆由識見不超宗眼不
正致令識者笑徒自欺耳故佛鑑云若有一物所好
則被外物賊矣蓋吾禪家貴乎眼目正當唯露些子
如石火電光如金剛王寶劍如踞地獅子令人湊泊
不得除非知有莫能知之若能如是綿密操履無絲
毫透漏方可拈頭作尾拈尾作頭不妨孤峰絕頂十
字街頭十字街頭孤峰絕頂驅耕夫之牛奪饑人之
食矣如臯啓上座叅諸方有年茲中夏叅山僧於金
明丈室谷決大事及禪暇尚有餘習未盡終累大德
山僧常呵斥之一日翻然覺躍然起再拜余前乞示
名字遂名之曰真啓字之曰天巖意望其卓出情量
迴脫蓋纏則不孤負一生行脚也切囑切囑

示文上座

60 1 2 3 4 5 6 7 8 9

10

80

1

2 3 4 5 6 7 8 9

撰述

介善禪師語錄卷之

自古迄今這一着子明如杲日寬若太虛無絲毫隱
蔽纔涉思惟則白雲萬里所以二祖得之不往西天
玄沙得之不出嶺德山得之見僧便棒臨濟得之見
僧便喝吾普明老人得之孤峻二三十年顛三倒四
而時人莫測山僧親遭毒手得來今十載矣然無一
日不挂肝嘗膽也且道山僧爲甚麼事思之思之

示敏上座

欲明恁麼事須是恁麼人若是恁麼人何愁恁麼事
昔臨濟大師建立四料棟四賓王四照用三玄三要
等令人一一明了一一透脫方能得自由分可以自
利利他隨處作主遇緣卽宗如獅子遊行不求伴侶
壯士展臂不借他力淮安敏上座不遠千里叅侍山
僧已半載矣今辭去且要山僧鼓粥飯氣山僧有時
恁麼有時不恁麼有時不恁麼中却恁麼有時恁麼
中却不恁麼汝可知之更有一句他日爲汝說破

示智上座

諸佛出世祖師西來爲渡迷津直指人人本有不從
外得亦無一法可傳授於人若謂有法可傳授是外
道法非正法也所以古德云若以實法繫綴人土亦
消不得山僧這裏與先聖不別亦無實法與人亦無

60 1 2 3 4 5 6 7 8 9

10

80

1

2

3

4

5

6

7

8

9

逃津可渡且道佛祖既無法與人將甚麼爲直指渡
逃津耶咄癡子面前切莫說夢

示豐上座

末法垂秋古風掃地余嘗思老趙州之遺踪自在金
明十載孤冷時流驗盡茲祖巖上座維揚人也有志
於道前歲八月至雖叅諸方有年尚未肯休歇余時
扣叱之忽一日呈行脚稿余目之曰你到處有許多
絡索因甚到這裏一點也無答云不須錦上鋪花余
云漏逗漏逗渠卽禮拜余喜其老成遂書偈曰獅子
巒中驗克家生擒活捉絕周遮末梢一句無多囑慧

命懸懸露爪牙

徽州汪朝奉子瑜乞示

甲午秋山僧過峽石田道耕齋頭古上座率子瑜汪
居士叅請堅志苦心備呈所解乞示法語山僧迫不
得已爲汝葛藤一上夫叅禪要訣貴在猛捷大丈夫
若於此事信得及認得真一刀兩斷千了百當那有
許多禪道佛法商量今日三明日四依依稀稀若信
若不信總爲戲論何能得自由分先聖一切語言皆
藥病相治豈有實法與人耶如云卽心卽佛非心非
佛不是心不是佛不是物又云有時教伊揚眉瞬目

60 1 2 3 4 5 6 7 8 9

10

80

1 2 3 4 5 6 7 8 9

撰述

介菴禪師語錄卷之九

有時不教伊揚眉瞬目有時揚眉瞬目者是有時揚眉瞬目者不是且道他意在於何無過爲人抽釘楔解粘縛也子瑜居士留心此道二三十年不爲於般若無緣但當時被邪魔中毒深遠一時卒未能撇得閨閣中物耳却把種種纏縛二境所牽打作兩橛不能了斷較之鹵莽承當實雲泥矣然亦不得死執影子絡索自苦山僧要居士將從前所有之物盡情撇下冷地裏看看是個什麼意旨若了得去那怕甕中走鼈果得自由田地山僧爲汝助喜何如

與施約菴居士

余與居士機契夙昔因緣而患祖道之微力挽真風一十四載此實乘願再來非同小遇時義不容隱特授以老人杖子爲末法宗眼偈曰傑出古人風昂然勢莫窮本無言語道縱奪爲流通

師見元卓日持經咒拈示

看經須透旨持咒要明心咒心不明故日持總無益經旨不透故縱看亦枉然經旨果能透牛皮也須穿咒心豁爾明雲山別一天不見道海底泥牛啣月走嵒前石虎抱兒眠鐵蛇鑽入金剛眼崑崙騎象竇鶯牽若也會得其中句能縱能奪能殺能活好喫老僧

一日三頓拳不然逗到臘月三十日閻羅老子與汝打算飯錢莫道不言

示禪人

一度相看一度了法法頭勿草草弔月吟松我不
能拋綸榔釣何可曉自知沒用日閒閒那管諸方風
浩浩禪人若肯伴寂寥佛法身心俱靠倒俱靠倒珊瑚
枝上日杲杲

書問

與葵石朱郡伯

昨承過晤惓惓爲道貧衲不勝欣躍向曹秋嶽居士
屢頌老居士大有根器要貧衲與居士眉毛撕結究
明箇事爲法門之柱石貧衲素蓄於懷昨得詢及工
夫承備述留心乃云無門可入貧衲云喚什麼作門
居士於此悟得便是入門處更無異路又聞日課經
咒及諸務作障若以貧衲觀老居士根器不凡固當
直捷提持猶如金剛王寶劍一切斬斷自能隨處解
脫何有一物爲障哉且喜近聞有人與居士盤桓甚

善但不宜泥於文字增益解路閉塞悟門必須屏絕塵緣看卽今自己安身立命處念茲在茲久久純熟忽然因地一聲得大自由得大安樂爲近世士大夫之光明幢是貧衲之所願耳

與福建普明思達監院

禪流沿習時風不古老朽痛念於斯因病體深愧不能還山然無一日不在紫雲峰頂也每懷吾姪苦守多年真見歲寒松柏設若獅蟲魔種不顧先聖遺範竟將常住物爲已有早變了也去冬得吾素穎上座歸細述頗末益見吾姪堅操苦行自不被邪魅所惑

耳老朽本欲還山與諸姪相商個事奈有常住脩造卒未遂願特命素上座主之萬祈吾姪痛念祖父道場更爲輔弼成就法窟永護主持法門忠孝盡始盡終而吾姪斷斷乎不可離此山也切囑切囑外祖衣一頂汝師所遺前歲秀雲送至金明老朽意俟一人杳絕影響今與素上座帶歸普明供養不致匪人竊負矣其藏經語錄板時當揀點不令散失山門幸甚餘不盡言

與一和尚

己亥十月廿一日妙峰到金明知吾先師道場實賴

思達姪苦守以俟吾弟兄入山之切近來想其歲久情疲乃有傍觀之隙又得吾妙峰聞之頓起悲痛之思不辭數千里險崖之峻又至陡門遭撦罄劫雖則赤體歸家喜其恬然絕無難色可謂法門忠孝良有以也然某極欲過嶺奈諸病紓身不克遂願惟望吾師弟不吝慈悲爲法道故非惟與先師法席重光亦俾妙峰一番苦心及閩中諸姪有賴矣某稽首江干臨風把臂爲贐耳

與項牧公別駕

法名真本

昨談有公案未透過在賈次有物快將萬緣放下與

朽盤桓嚼鐵丸飲洋銅過日子其鐵酸餡金剛圈眾棘蓬無不百雜碎矣何更許他囫圇吞個棗耶但辦肯心必不相賺無慮無慮

又

佛祖之道誠非細事真大丈夫方能擔荷也觀居士爲道殷勤不棄寂寥常至蠡湖刻究此事可謂智過諸方矣前日因緣你居士近日何如病朽昨遣侍者來看爲甚你居士不在家中速道速道

復田道耕居士病中

維摩居士以疾而臥五祖以瘧諭示人不意居士久

摸述

介善齋師譜錄卷一

落此園禱也適讀來翰以知足力未佳望當更宜珍惜爲法自愛病中十咏閱之頗佳亦可消遣耳承惠謝

復周蓮齋 法名真潔

節讀來教已知爲道殷殷所和蜜蜂頗頗佳中有不到處過在錯用心耳如教有云昨蒙和尚以本分事錐劄奈某雖究心有年日在影響裏未能因地一聲所以極力欲道道不着之語深見居士虛心請益然貧衲不欲與改正者正要居士用一番真實苦心叅究那個峰子忽得一劄冷汗通身自知痛癢徹頭徹

尾豈不慶快平生也哉

60 1 2 3 4 5 6 7 8 9

10

1 2 3 4 5 6 7 8 9

80

1 2 3 4 5 6 7 8 9

撰述

卷八

介菴進禪師語錄卷八

住嘉興先福寺嗣法門人真化等編

偈頌

五言律

贈張恒所醫士

曾受醫王囑深棲桃杏林千般枯草料一片活人心
指下定生死機先按古今丹爐煮明月赤土變黃金
哭鴛湖先師

法門何不辛大廈忽然摧落月誰能挽遺風莫可追
憶恩深痛切覩蹟轉傷悲令子失依怙翻思沒一嗣

60 1 2 3 4 5 6 7 8 9

10

80

1 2 3 4 5 6 7 8 9

撰述

分類補遺司錄卷之三

和無趣老人參禪偈三首

參禪覓玄要終不明妙道抛却自家珍更向外邊討
頭頭意地行物物智襟擾何日歇狂心當下一時了
參禪莫執坐隨事忙閒做處處盡生機法法皆顯露
使得十二時盤旋八角磨日用不留心驢年也弗悟
參禪真妙訣只要話頭徹莫謂佛祖疑貴在生死切
等閒一覶破稱錘元是鐵撒手上高山踏破澄潭月

壬寅夏送王峰都寺歸淮

立事須當早爲人貴老成謙光深有益養德重無爭
揭起頂門蓋露出鬼眼睛此日炎炎地途中仔細行

端午

日日是佳節頭頭現本光不知榴火熟便覺艾心涼
煮石堪爲供烹泉聊作漿山中無監曆勝世有端陽

癸卯八月示羅子先居士五袞

法名真性

真性起天命心靈蚤已知謙光無以尚隱德莫能施
蟾桂愈聞遠幽蘭益見奇淨居香滿座頑石展雙眉

訪黃坡蔡子穀居士

清秋動野思撥棹訪君廬路僻驚鷗問山遙破浪舒
盡溪觀古致就燭讀新書令我幽齋榻烹珍帶月茹

春日卽事簡埽菴譚司業

60 1 2 3 4 5 6 7 8 9

10

80

1

2

3

4

5

6

7

8

9

撰述

分類詩詞錄卷八

春晴鳥語碎雲淡露天涯盤礴松門古茆茨竹逕賒
山寒苔裏石林暖蝶穿花不覺思樵路經行日易斜

五言絕句

金明古蹟六咏

橋李亭

橋李傳誰氏溪頭更立亭自堪香味別千載憶枯櫪

范蠡湖

泓水何清澈名賢尚隱踪傾心時鼓棹栩栩越仁風

天封室

腐楹重整立闢土露針錐碑砌茆簷下真風未易窺

一擊軒

竹密餘蒼翠乘軒事可追籌邊聞一擊不失兩行眉

60 1 2 3 4 5 6 7 8 9

70

80

1 2 3 4 5 6 7 8 9

楨述

介春禪師語錄卷八

獅窟

蟠涎成古篆空谷賴殘顏叢樹參天碧曾無毛異還龍潭

珠吐危樓畔波騰雉堞陰臨淵情未已風冷動幽吟示徒

學道本無難知羞心自安莫將輕放過徒取面紅看

又

識得知非處偷心何所安頭頭皆是道玉石不相瞞夏日口占

赤日炙耕牛田衣挂樹頭蓬門常不掩竹室冷如秋

示乞食

敲出虛空骨結取世外緣鉢盂開口笑個個要周全

天巖

天生巖自高峻嶒莫可上我歛杖其頂羣峰悉相向

東巖

東巖尤且孤突兀依山戶常被老僧嫌推牕日輪午

警策

佛法本無多因循便錯過六根俱顯現觸處別無他

又

急急莫蹉跎光陰倏忽過憶時小兒戲今又白頭何

撰述

外志稿卷八

四

心空及第

虛空撲落盡渠儂總不知豁開頂門眼露出珊瑚枝
本地風光笑微日悠悠從來絕外求經行及坐臥何處不風流
現成受用

耳朵兩片皮牙齒一具骨熟睡到天明洗面摸着鼻
漁

釣盡寒江月披蓑烟雨深錦鱗纔入手不是等閒吟
樵

慣入虎狼穴梯雲樵轉幽只知泉石伴那識有王侯

耕

翻轉劫前田生涯到處全倦來無別事放倒鑊頭眠
牧

放下鞭繩了牛兒方始淳一腔短笛後驟過綠楊濱
湖上步月

皎皎無倫匹湖頭深夜行橘皮猶未製白水咽香清

口占

瘦竹庭前勁幽蘭石畔舒明明西祖意不會更何如
聞人自欺拈偈策之

明珠產老蚌白藕出淤泥清淺一湖水遊魚何自逃

60 1 2 3 4 5 6 7 8 9

10

80

1 2 3 4 5 6 7 8 9

撰述

金華集詩錄卷八

五

除夕

兀坐卓然真人間作故新春雷連夜發全露法王身
移竹

喜爾操有節亦且得虛心自予親手植慎初成茂林
鄺居卽事

徑幽苔地滑門靜竹風寒車馬曾無跡惟聞鳥語歡
與世高上座

獅子窟中事善哮吼者得今得本無得無得得亦得

七言律

金明卽事

范蠡湖頭影草枯百城連落入清波斷碑橫岸堆蒼
蘚截壁分烟挂紫蘿盤曲杏松巢鶴瘦寥空樓閣老
僧多扶筇笑看忘珠者擬索池中五色螺

壽石雨和尚

擬師之壽不尋常何物堪能爲比量雲縱丹山看消
長風翻碧海探溫涼虛疑浩蕩乾坤永塵淨經綸日
月長演盡無生成妙叶森羅齊拱法中王

重陽送一初法弟住院次來韻

60 1 2 3 4 5 6 7 8 9

10

80

1 2 3 4 5 6 7 8 9

九日霜華特遞來行行令我脫襟埃多年室掩秦溪
默一旦光搖漢地開塵尾乍揮黃落木錐頭纔卓綠
凝苔喜君不棄連枝惡永正淳風過狹垓

答汪玉水居士還家韻

荒郊若個肯還家舊業從先不屬賒韻起墨花

閑名驚

昔夢句生東雅堂動人嗟城烟斷處維摩默巷月輝
時顏子誇豈似未歸流浪客相携林下草深遮

廬居

偶爾從緣得敝廬何期城市有山居六窓扃碧塵烟
淨一戶常開車馬稀接巷絃歌咸妙道隔鄰雞犬總

玄機鄺居莫謂無幽趣黃獨深煨香又肥

題雪牛

懶擎頭角隱林泉徹骨冰姿絕影鞭吼斷青山眠夜
月吸枯滄海臥晨煙無心香草從他異有意藍田疑
自偏漫道牧童收不得一跛寒色倩人憐

酬姚自先居士次來韻

鄺居弘蔭勝青山曲徑苔封野衲閒折拄杖拋蠡水
畔破芒鞋挂雉城間愛培疎竹影蕭寺喜對喬松日
啓關兀坐蒲今忘歲月何期垂念道風還

蠡湖放生

60 1 2 3 4 5 6 7 8 9

10

80

1 2 3 4 5 6 7 8 9

撰述

介菴禪師詩錄卷八

何緣舌味起貪饕作盡傷心殺活燒蠢蠢不知循業
至靈靈爭昧本因招慈開死結三祇釋悲放生冤萬
劫消快看飛潛縱林壑自承恩處總逍遙

答天游駘居士來韻

士之祖復齋公爲車溪法門昆季

祖業荒殘尚有墉七穿八穴顯真宗野翁曾示青緇
誠趣老剛遺車復踪澗底木狂猿弄月嶺頭雲淨鶴
鳴松蠡湖獨坐無聊賴何幸知音一擊鐘

示法燈祖印祝髮

一入緇門喚作僧形骸拚捨好拳膺離塵須要離生
滅斷髮還當斷愛憎微細威儀宜謹慎幽玄妙道莫
真心一朝僧相非輕易猶入紅爐百煉金
粗矜從今刻志超前轍搣破皮燈卽法燈

割愛辭親到我林勤行行業要純謹偷心死盡方堪

指惡習全除始可箇印破虛空爲祖印心融塵垢是
先師底事灼然彰舊案拈來意更長著作堂前輝化
日普明寺畔雨秋香一溪烟水人難測滿苑光風劍
不藏愧我匪才成懶癖辛逢佛法有金湯

壬辰春與埽菴譚司業話舊拈贈

行藏六十絕偏圓獨步高風篤水邊慈影已彰忻草

壽文節法師并賀重建真如寶塔

60 1 2 3 4 5 6 7 8 9

10

80

1 2 3 4 5 6 7 8 9

木法音恒震利人天香飄蘋葛千秋業花擁真如百
世緣一段春光鋪地錦長年此日更鮮妍

壬辰夏贈海鹽覲周徐居士用費隱和尚韻
先聖儀容固可涼潛行密用賺諸方見超今古人難
測道絕形名不易量生滅未忘情自異盛衰才論實
堪傷何憐滿地滔滔者帶累毘耶愁斷腸

次韻酬仲璘徐居士

慧萃香噴出林前透石穿雲非小緣海上揭開春暮
月齋頭全露夏初天珠回玉轉忘情用武緯文經不
昧傳轟地一聲雙眼碧驅邪還幸握金鞭

天池退院酬澹菴潘居士韻

春雲冉冉揭巖扉卉木縱然隔世非新月帶梅扶嶽
出晚霞和鶯泛湖歸明堂文質來清韻古殿幽閒照
紫微幾度光臨愧何似素風搖竹步依稀

壬辰冬同右文摩雲子先新在衆文學居士過

隱川插草卽事

病骨扶橈度隱川風霜凜冽亦堪憐短蓑纔掛桑枝
上破笠剛懸鋤影邊一個瓦鑄烹龍月半間茆舍拾
蘆烟自來只爲荒田地博飯謳歌答衆賢

示舒中上人入閩用韻

子爲何事入禾西幾度擔囊扣我扉棒下知歸猶是
鈍言中領會未堪齊若能燥地一聲斷始可乘風千
里棲莫謂山居便無作也須相喚食莖虪

癸巳春子先昆季請觀梅拈贈

每對清姿便解愁祇因春色有根由雙雙共氣情真
異朵朵連枝意自幽碧榦光搖擎麗日玉葩韻競醒
昏眸芬芳庭際誰知已疎影橫斜香噴樓

答吳秀才來韻

兩度霜風撲面傾殘林若處脫然清危樓破格披烟
露老榦扶疎帶月擎就局門舒人氣爽通津路滑浪
錦鱗肝膽一時俱裂破陶朱公里石頭蹲

秋日口占

城市山林幽且靜蓬門永晝掩芳菲喬松未許閒禽
宿勺水頻添赤鯉飛石榻蟲吟蘭萼秀竹窓風淡荳
蔬肥草堂獨坐日當午自剪烟霞補毳衣

甲午春喜遠門禪師見謁拈贈

憶昔福城宛不同誠如私意出羣雄吸乾滄海燈燈
燄踏斷烟霞脈脈通洞濟激揚光化日王賓互換振
家風欲言嬾癡衷腸事盡在相看一笑中

示卜右文居士五十

疇昔經綸翰史功今朝更不與前同陶然半百知天
命呱地全彰繼祖風無影樹頭雲挂彩不萌枝上日
初紅湖邊滿座輝珠玉笑看丹青入畫中

自述

自知鬚白起腮邊惹得空花笑大千懶向滄浪探珠
玉老來鄆市守山川家風孤冷渾忘歲祖席重輝亦
待年人事不關搔首處滿林松竹鎖寒煙

咏梅

素心冷澹越精神逸世孤風不異真瘦骨櫺櫺扶皓
月清癯落落出紅塵香飄斷碣驚殘夢韻起空山惱
亂人自笑煙霞千嶂外一枝獨占上林春

梅下有
擎頌碑

贈蔡子穀居士用來韻

潦倒弘深護法王高林絕巘莫遮藏赤心布地雲門
子瘦骨擎天金粟香拚命驅邪驚閃電橫身扶正凜
冰霜誰知具有無欺眼共助金明破院涼

金明佛閣雪月燈次古韻三首

60 1 2 3 4 5 6 7 8 9

10

80

1 2 3 4 5 6 7 8 9

若處林亭一夜無寒光爍爍是銀壺纔思古德益成
句又覩楊岐牀滿珠勢壓萬烟排玉嶂平鋪千澗遶
冰湖樓頭興起誰能共六出翻飛擊野鳬
一燈懸起黑雲無四壁輝煌映寶壺光徹昏衢彰
碣影垂暗室露真珠鰲山人佛陶朱里火樹天仙范
蠡湖此夜一期千古勝光明炤曜宿蘆鳬

丁酉春朱欽臣居士請看梅卽事

裴西古苑展丰神物物陳前致趣真嚴畔步來無俗
客溪邊訪得總幽人寒香縹渺渾鋪雪疎影徘徊絕
點塵竟日書齋談道話更聞枝上鳥爭春

贈徐完愚居士五十法名真果

縱然佳景好徜徉更有奇觀不我藏鴛水渡頭輝寶
日鶴洲林外駛仙檣漁歌時聽臨崖草埜色遙看隔
岸芳莫道懶傭無物贈却將閒事作商量

羅子先居士請看梅卽事

丰標挺勁轉精神一度相看一度真兩樹交加藏達
士半庭俛仰可崎人美哉見色非干色美爾居塵不

是塵排榻坐來時供茗暗香浮動石頭春

答三宜和尚時講法華經

法苑凋零賴有人寒巖煦日展陽春雲門堂奧恢猶
古長水波濤翻更新歛鐸吹毛全殺活高懸毒鼓絕
疎親何當陋室飄香至一朶青蓮映水濱

施約菴居士五十

二月風光特地新知非蚤已卓然真浮華力挽行藏
古樸素堪垂節操淳法苑金湯聲歷歷儒林砥柱色
璘璘更持一脉維摩旨桃實分香海嶽春

戊戌夏住敬畏菴步周居士韻

百城環座一殘林古佛家風不用尋糲食充腸聊展
鉢惡衣遮體恰無心未聞瓜熟論甜苦那探渠成別
淺深自喜春山秋水處殊非知有莫知音

戊戌臘日回院見庭梅被殘示衆

久植空庭望蔚然何期運歛病堪憐枝殘還有新條
發幹老寧無瘦玉鮮澹泊韻敲情更借蕭疎風冷骨
猶堅斷碑塋更時同晤不覺仰嘘月到椽

卽事示徒

寂寞山中事可嘉肯將真實博虛華蜃樓易得人情
悅蜩屋難逢智士家廿載寒暄親試隱千年風月若

60 1 2 3 4 5 6 7 8 9

10

11

12 3 4 5 6 7 8 9 80 1 2 3 4 5 6 7 8 9

桺述

介福師詩錄卷八

爲嗟如松之操誠然別得到湖頭且喫茶

己亥秋壽譚司業七袞

纔聞芳桂挺何知剛憶東君初度時香韻不踰方自
樂風清所欲恰神怡毫端瀉出碧天氣研底挨開明
月池鄙野總無羊犬贈聊呈隻手笑鴟夷

元旦雞聲二首

陸元度文學請

獨占元聲莫可爭轟然由此發機生詎因德感驚人
夢猶且靈鳴醒物情宿草卿恩酬未足臨風披意語
初呈朱翁絕唱聞堪頌音韻還應仔細評

且喜年朝鼓翅鳴信乎德備起羣英自聞臘至承君
放始覺春回賀聖明慈轉殺機因莫重仁離危慘得
非輕最初一句誰能和試聽牕禽答太平

慨時

嗟見秋林鮮老成不求妙悟不求精金剛衣底何曾
煉寶鏡塵中孰爲明着意閒花違法式無心焰燭逐
風情最憐一等飄零者鐵棒臨頭作麼生

癸卯春送玉峰首座重整三塔寺

慨古悲今必自強行難行事始相當奮回法社風塵
地力整僧堂戎馬場一語維持山鎮永入荒傾動日
偏長龍淵辛爾重拈起糞火堆中道更香

60 1 2 3 4 5 6 7 8 9

70

80

9

禱雨戒殺

禱之久矣復何詞慘酷聲號誰反思樂意觸神招大
旱縱心殘物悞非時燒枯業海慈龍現災倒情山悲
雨施願得世間存少愧莫愁無雨不生粢

鄺居

一等山居出市鄺堂圖大隱作生緣種瓜得豆引溪
上刈草成蔬傍屋邊飯後欲茶間掃葉課前排榻謾
垂簾更看明月來窓白鈍鑣高懸取用便

示耕卽事

丙申仲夏予解蠡湖院事抵隱川示耕尋月

挂笠枕流頗有邨居之興日暮隴間翛然獨
步不覺咿唔偶成十二章非爲騷人捧腹特
以舉似耕耨不孤道行云爾

村居莫道少相資物物分明不我欺百合香芬桑底
玉日葵花放龍頭姿蝶鳴塲堦開心眼蛙鼓池塘醒
夢岐自得個中真境趣何勞數墨透牛皮

盤曲桑蹊儘可資黃花翠竹總無欺揷鉢處露祖師
意刻草時揚古佛姿牧笛風吹賡別調樹標月影接
多岐茫茫未解邨居事徒使人開兩片皮
落落生涯爲我資色空明暗詎相欺三間茆舍超塵

60 1 2 3 4 5 6 7 8 9

10

80

1

2

3

4

5

6

7

8

9

境數畝荒丘產玉委粟棘蓬中無籬鼻平原地上有
驚岐但拈鈍鎧耕雲石莫管叢林分髓皮

籬編木槿本無資成現拈提絕自欺處處犁風牛顯
跡村村梅雨地生姿牕前林鳥偷園菜檻外行舟問
水岐博飯栽田真受用爛泥刺破脚頭皮

半衲襪穆滿鉢資繩床土凳有何欺泥垣峰砌玲瓏
壁甃牖花穿瑪瑙姿百艸頭邊宣妙偈一竿影上指
訛岐誰知王老無情思挈望東村鐵面皮

蝸廬活計不多資鈍鎧橫拈驀地欺秕稗直教奮斷
種荆藜那許岸萌姿恒翁曾示慚知義沮溺嘗芸羞
新岐相忘抑有不如意水浸黃蘚爛骨皮

埜僻荒陬莫解資滿川風月若爲欺良苗翦去爭先
翠異卉裁來越外姿塍小接溪橋過柳村深連市駕
無岐携詩車水凭欄咏更打癡蠅鐵嘴皮
道從本立盡生資纔見安閒便有欺時雨失栽禾欠
美晴空急刈荳無姿屋邊蛛網重重布場畔蚯泥岌
岌岐一自入鄉行化後山清水綠快人皮

挂笠軒前頗有資何須他處覓緣欺破砂盆貯隱川
水無底籃盛美石姿爛煮瓜蔬懷抱甕香吹芽茗點
疑岐更看遼燕喃喃語一種生機非地皮

道業森森何所資及時幹辦始無欺蟬啼落日犁輕
病鵠噪歸林耙瘦姿徧地蚊雷尋血漢一溪螢火照
昏岐休云白飯難充口愧殺通身換肉皮
連宵雨足啓晴資造化生靈信弗欺一片嫩禾青倍
色半灣新月碧添盜舟移岸上萍墳洫魚躍田中水
沒岐且喜桑陰堪晚眺落霞飛處影皮皮

新霽

喜逢新霽起村隈茅舍家私盡打開折杖挑川上
草破蒲團晒隴邊梅腮掀素練飄空路衣洗清風颺
綠苔更看佳禽惜毛羽樹頭飛去又飛來

60 1 2 3 4 5 6 7 8 9

10

80

1

2

3

4

5

6

7

8

9

俱述

知音譜錄卷八

古體

和南明師翁十究竟

究竟身四大繇來非假真萬象之中剛獨露堅密維持正法門

究竟心泥團打破絕纖塵仔細看來無所用普天匝地是何人

究竟事日暖月涼皆分處鳥啼花笑各呈奇物物頭只這是究竟理穿山透石何堪舉等閒踏斷那鄉關東土西天通故里

撰述

介春齋詩卷八

究竟生萬般緣起不無根庭前花景非同夢白髮嬰兒卽古今

究竟老磨盡春秋豈曰小時携竹杖坐當軒葛示兒孫問家寶

究竟病覓他起處渾無分假饒攢簇不得底爭似若溪行正令

究竟死藤枯樹倒原何始當知觸目是菩提富貴貧窮幾如此

究竟苦幸然竈裏有烟火端的不在黃連枝如喪考妣曹山墮

究竟樂赤脚波斯戴雙角相逢好笑又驚人萬應千酬惟一錯

和達觀大師夜行偈

晝夜經行時自能步步起前步不及地後步又摧起後步若不動前步如何起前後不相及騰騰起不已以此諦觀之足何嘗履地足旣不履地空水乃可履空水旣可履說甚神通具

破衲歌

蠡水家私無別物剛剛只剩破苴裰通身細碎費成文受用無窮何可說這皮袋沒遮蓋破補爛殘無內

60 1 2 3 4 5 6 7 8 9

70

80

9

外零零落落好風流一顆圓明終不壞領尚無寧有
帶繩牽線結驢駝載穿來那論重七觔披向人前真
可怪此毛衣何堪賣這般滯貨有人愛皮穿骨露許
誰知東擲西拋始是快風又吹日又晒佳賓懶顧誠
瀟灑等閒爲禱更爲禳糞掃堆頭償夙債識因果知
利害針線不牢若有代任他笑我太癡憨隨地飄搖
無里礙寒暑來實是賴出入山林光體泰常將箋束
住巖隈衲衣下事恒不昧仔細看絕無對錦繡仰朶
豈同類襪襪縷縷總堪憐非聖非凡觀自在阿呵呵
眇眇乾坤雲靄靄

苦雨歌

春風春雨竟忘日噴落椽檐滿地濕可憐敗屋轉離
披東挂西撐誰爲葺足踏地頭頂笠舉意欲行還復
入倦來忽聽數聲鳩瞠眼烟雲忪習習無限春光風
雨過贏得溪濤洶湧急掩柴門幸無客這般蟲豸爲
標格綠樹陰依折脚牀笋芽穿破梅苔石偶拈禿筆
胡亂揮分明個字難書擲難書擲笑倒虛空暗裏藏
擬欲叅詳胥壞隔

知足歌和子蕃朱居士韻

物我無殊真自足隨之順逆非同碌碌然個裏一壺

天舉世幾能獲此福等閒事事賣肝腸猛虎何曾食
子肉歲月消磨沒短長山中却有松花祿體上烟霞
雲霧衣鎔開獨露頂額目石女垂垂髮似絲圖畫虛
空偶成幅逍遙世外非人間豕鹿同行復同宿這段
風光本自然從緣恰寓破落屋破落屋風雨承渠覆
几案絕香塵剛懸一祖軸日常無別者置卷懶翻讀
相逢相喚喫一杯茶那管浮沉榮與辱

手卷

卷舒皆自在橫放總悠然佛祖從渠轉流芳萬古傳
芒鞋

鼻孔遼天耳門卓絕踏斷塵寰高挂壁落

斗笠

超然一道具無物可同儔每每蔽風雨常常掩日頭

竹杖

天姿挺特節操迥出扶傾輔危機用莫測

縛箒

客來訪憲叟面垢三五斗住院已經年無錢置茗
樹葉風卷堆塵沙時疾走家親但覺貧那解當處有
離傍足生緣拈起便哮吼誰謂般若體未免墮窠臼
堪笑老趙州憐兒不覺醜

過嚴灘弔子陵

釣臺巖嶮兮千峰擁座嚴灘浪滾兮一派清溪迥絕
功勲兮名超列士蹟潛光兮聲振古今

數珠頌示人

顆顆圓活眼眼通神會得途中受用不會且自規繩

聞舉子先居士德行

至德不德大行何行偉哉偉哉因邪打正

次韻酬高五采文學

曾聞諸法從緣起玉趾何期過蠡水僧俗之交已有
秋美君佳景無憂矣携筇詰舊髮成班兒孫滿座真
且喜稱意逍遙秉燭遊清池脩竹豈徒爾楓葉霜華
得幾時人生百禱猶彈指捧讀瑤篇自頽顏恐負喬
松陰這裏

60 1 2 3 4 5 6 7 8 9

10

80

1 2 3 4 5 6 7 8 9

介菴進禪師語錄卷九

嗣法門人真範

寂雲

行瓊

真源編

七言絕句

示當湖陸永侯文學

法名真修

覲面提持四句偈
明明歷歷不曾藏
閒忙着眼看
端的山谷木樨香又香

示鍾溪晉侯葉文學

一句時中密密參
從緣逆順自相便
蓦然觸着寒毛
豎始信真宗別有傳

喜願菴禪師過訪

60 1 2 3 4 5 6 7 8 9

10

80

1 2 3 4 5 6 7 8 9

苔封小徑絕塵囂
賺我同人破寂寥
話到水窮山盡處
舌尖端不動纖毫

示折蠟梅

玉葉霜花傍壁披
一枝橫亞最新奇
清香打動鄰家鼻
引得遊蜂不識時

示子先羅居士

七日研窮非等閒
美君聊識面門班
更須會取祖師意
莫向人前道易難

懷餘杭余樓雲居士

曾參南明師翁於雙徑

雙徑因緣未忘尋
源徐步冷山房
不嫌懶僻時相

候又入雲深揷草揚

寄朱清遠居士

幾度荒居意不堪
松山頓闢擬茆庵
雖然未遂君嘉志
亦可將題作指南

慰約菴施居士病中

好肉生瘡少有胎
通身癰癧出頭來
血膿膿地親殃及
莫怪當年流毒材

偶成

幽勝不離當處有
市鄺古寺卽山居
成羣松鼠偷瓜莢
拍手不回加兩噓

60 1 2 3 4 5 6 7 8 9

10

11

12 3 4 5 6 7 8 9

10

撰述

介善齋詩錄卷六

示瞽者春米

慣春老米足堪誇椎下分明是當家糙白不將雙眼
驗唯憑赤手作生涯

文真

出閩題江郎石

江郎三片絕囊藏何代安名亘古揚挿入太虛星斗
落清暘雲霧總風光

和陽明先生良知韻

剔起殘燈午夜時巖阿冷暖自家知自知不向他人
說知與無知是阿誰

是只管區區向外爲

酬右文卜居士法名真仁

情塵覬破密參玄奕世金湯蠶水邊慚愧僧家無可
報披毛帶角被人牽

酬欽臣朱居士

阿誰多口遁裴西且喜知音不我欺雪裏桂香須委
悉幾翻覲面已全提

摩雲周居士乞和放生偈

輞轡居士韻

溝渠爭識江湖濶慚愧古人徒折攝飛潛乞命略拈
提各各試看是何物

60 1 2 3 4 5 6 7 8 9

10

80

1 2 3 4 5 6 7 8 9

恨述

未劫衆生恣遷濶食饗殺味無拘攝佛祖洪開解脫
門急須跳出釜中物

酬中贊施居士募齋

那事明明不露文一湖鷺水一湖雲三年鹽醬承君
力沾着唇皮箇箇欣

拽磨

磨輪轉處洩天機手眼通身吼似雷玉石總教成作
粉中心端不動纖微

懷祖山福生二禪德

古今密行有人作彼此皆施無緣慈翻憶曹山危病

處煎湯送藥五更時

示繡雪巨石

石頭巨細分明了驢脚精龐見也麼趁此早年強壯
力汝師公案莫蹉跎

癸巳曹太僕鑒躬居士過院值余病中勸飲陳
皮湯拈偈奉酬

抱病荒廬誰起憂幾經風雨涕寒流高車何幸垂殘
榻一盞橘皮徹體休

爭

放去收來一鵠爭撩天撲地爲誰生雖然不食腥羶

60 1 2 3 4 5 6 7 8 9

10

80

1 2 3 4 5 6 7 8 9

撰述

介菴詩稿錄卷九

四

食也使林間鳥鵲驚

示獅吼孫

愚鈍也知忠烈後破鎗須信舊家聲忽然突出頂門
眼獅子吼時野干驚

畱宦維那

麤食敝衣堪禁足危床土凳可安居金明不是老與
化畱擯分明意莫躇

答徐敬可居士次放生偈韻

仁能大施放生湖業債從前不較多未釋箇中關根
子明明聞眼入湯鑊

破寺傍通一蠡湖古今賢達放生多雖然池小堪容
活但願慈興出沸鑊

丙申觀音誕日出山卽事

飄然拽杖入深村疊疊春光一個僧自笑蠡湖成底
事驢馬領得人憎

鷹

俊哉不打籬邊鶲劈海擒麟霄漢飛咱啄一聲狐兔
盡新羅又過鐵牛機

因士持紙求示

白紙從來沒一字云何要我更塗煤病僧無力難拈

60 1 2 3 4 5 6 7 8 9

10

80

1 2 3 4 5 6 7 8 9

筆却負當人捲玉回

示磨粉炊糕

急急揩磨梁白心鏤湯爐炭上親蒸名模脫盡香甘
美好奉公婆也未曾

掃鶯湖先師塔

昔日普明遭熱渴今朝興善禮慈容塔前松柏青青
候市地光揚少室風笑不成兮哭不成緣陰黯鳥嚶兒孫濟濟咸瞻
仰肩負單提折脚鐺

示衆

飽腹經行非分外虛心請問是工夫夜來八萬四千
偈不會依然在半途

示羅子先四十

一聲因地出胎時兩手划划更有誰不惑年來報恩
處因行驚起睡猫兒

禮虎丘墮祖塔

咄哉睡虎擬何酬賺殺兒孫笑不休三拜更添遼一
匝山悠悠處木悠悠

風鈴頌

一出紅爐便有聲高懸樓閣轉光明因風直示簷前

60 1 2 3 4 5 6 7 8 9

70

80

9

撰述

介菴禪師詩錄卷九

事未審何人聽得清

讀易

形名未具孰爲庖一畫纔彰便落爻底事明明人不
薦咬著嚼字夢中敲

啓華嚴會齊單

雲壑禪人請

重重嚴飾雜華林童子來參意更深托出滿盤咸妙
供好將阿字細沉吟

火炮頌

錐劄曾經毒手來靈機一竅頂門開等閒觸着無明
火裂破虛空震九垓

偶成

萬物盡從時節換不知時節任誰行空齋極目閒消
遣長嘯一聲天地清

夏日面水

一杓清泉堪自足通身受用無窮福枕簟蓆椅俱抹
過尚餘惡水好灌菊

慨古

竹篱擗盡千秋月糞火燬空萬古雲近看大都皆滯
貨笑嫌黃葉亂紛紜

翫月

支那

介菴禪師詩錄卷九

七

芭鞋踏破千山月拄杖伶丁唱妙訣木人撫掌笑呵
呵石虎咆哮跳出穴

示徒息諱二首
理深何必形聲色見淺徒勞論是非謾道老僧無料理一條白棒活人機

但得境閒渾是道莫愁濁世有邪魔消歸自己皆堪用不必尋求過與他

卽事

栽梅滌竹野人風掃盡繁華眼界空更有一般堪美處數聲幽鳥綠陰中

示病中

痛痒於身便謂災那知罪福不無胎快將毒藥還醫毒膿血盡時好肉來

贈斷愚姪掩關

吾孤汝負不須陳三應三呼定有因總是老婆心甚切管教槌破鐵崑崙

示雪宗悅衆

莫將命蹇便自屈妍醜皆從密行修若具趙州清白眼騰蛇咬格未爲憂

贈金居士送子出家

裴君送子有多偈公送云何無一言夜宿隱川看新
月層層花影到窓前

決當行此勿因循報佛祖恩一句陳千古英名留後
望莫教錯過太平春

酬文節法師過訪

象鴛何期過隱川重重鋪錦菜花天慚余蓬室無相
接一盞蒿湯桑隴邊

周摩雲居士求偈

隱川室裏畱君宿敬畏堂中示再參舉手低頭頻顧
語莫云無法爲人嫌

無禪帳卽事

水國蚊雷觜如鐵赤肉團邊咂鮮血誰能於此契生
緣歷劫無明當下徹

喜劔安法姪禪師卽事

本色住山非染造爲憐塵世覺心寒和煙入水超方
便明月蘆花孰解看

示東巖上座

九上三登未是親一言契入始爲真從今收拾瓢囊
也他日分明舉示人

立冬卽事

60 1 2 3 4 5 6 7 8 9

10

80

1 2 3 4 5 6 7 8 9

桺述

介善禪師詩錄卷之九

敝衣重補足遮寒日臥閒雲敗屋寬黃菊數枝喬木
下飄飄落葉許誰看

勸斷愚法姪啓關

凋林欲挽正斯時何必拘拘俟滿期放出從前真面目移風易俗好施爲

冬至

曉雞纔報一陽生稟稟霜天梅蘂擎舊案日新輝宇宙焚香撥火不虛行

示項牧公別駕

法名真本

維摩之疾好承當痛處何妨灸艾瘡眼正心光扶祖

道任教烏兔起滄桑

示古巖知客

金明寺裏鉗錘處范蠡湖邊赤骨肩但辨宵心追古哲不須巖外更栽蓮

除夕

一爐猛火度殘庚豈與諸方鬪富行茶罷各歸寮舍煖現成公案到新正

入新方丈酬曹秋嶽司農

無知老衲累秋翁明暗相參兩眼紅居易昔年遺子笏又承新整定西東

60 1 2 3 4 5 6 7 8 9

10

1 2 3 4 5 6 7 8 9 80

校述

介菴禪師詩錄卷九

示範維那

鼻孔撩天意可投
叢林踏徧已知休
從斯放下身心後
蠡水風清欵欵酬

自娛

幻住不須頻計較
隨緣放曠得安然
任他爲佛爲官去
我只破廬枕石眠

答曹秋嶽司農

五百年前未了因
深埋塵土得無親
曾思坡老完經事
此案重圓須舊人

寄禪人

三頓因緣不用猜
當機只貴眼睛開
金明不是閒饒舌
鈍斧重拈期再來

示陸緣度居士

法名真慧

靈鷲峰頭一點因
自來蠡水日相親
而今旣得本來面
萬紫千紅不是春

示淨名雪子上座

末法垂秋正此宜
莫嫌窮谷少人知
脊梁硬豎牢撐柱
自有香風撲鼻時

贈羅又先文學

武略文經非偶然
家聲祖父又爭先
筆花滿案咸珠

60 1 2 3 4 5 6 7 8 9 10 1 2 3 4 5 6 7 8 9 10

換述

介菴神翰詩錄卷之

玉且喜高標不浪傳

上元和無際祖師走馬燈

原韻附

團團遊了又來遊只爲無人指路頭歇却心中三昧火刀鎗人馬一時休

一點無明徧界遊只緣不識這毫頭誰知盡力跳不出息却心中火便休

示淨道新戒

人馬團團奮迅遊英雄豪傑孰回頭若能覩破影中事好示傍觀歸去休

示牧愚新戒

處不風流師領之遂示以頌
更嫌何處不風流猶較炎威過一籌未得個中三昧
力行人却與路爲讎

壬寅春仲卽事

有引

禪林澹泊素讓金明此亦自甘外緣不務況
值歲歉信施尤難然喜衆皆孜孜爲道弟愧
無法供養祇得豐儉隨家寧獨箇束三條而
已乎

爲法忘軀信不誣充腸藜藿把屍扶鶯頭撞着庭前
栢脊放靈山老禿奴

支那禪師語錄卷九

三

撰述

介羅禪師語錄卷九

三

貧頌

參禪學道學先貧徹底貧來道自親果是赤貧渾是道試看誰是赤貧人

瓊珞粥

幾顆玉粒綴青齊滿鉢橫挑香更肥翻憶荷衣松食輩只憂無法不憂飢

佛音尼在羅子先家作鞋次忽聞樓板聲有省居士卽開空室勘驗機緣呈師師以古德接尼悟道頌韻示之

大似吳山老禿奴權開空室接師姑果能不負孃生面自出羣中一丈夫

示夢菴書記

離鈎三寸子須道相逢慎勿妄盤桓頭頭公案雖成現漠漠烟霞仔細看

示空有知浴

頓空諸有傍明月誰竈無烟沒夜光收得海中龍藏寶翻身索價有人償

過楞嚴弔紫柏大師

阿師半偈理更殘始得叢林復壯觀此日往來發長歎擡眸又覺苦心寒

60 1 2 3 4 5 6 7 8 9

10

80

1 2 3 4 5 6 7 8 9

示身雲法孫

柏山惡辣誰能近汝獨相依事有年言行無違成就
汝更加戮力絕狐涎

示朗上人

最喜山禽不亂鳴一時叫出一時聲聲聲相喚誰能
醒面面青山面面青

庚子八月朔旦爲范大夫受戒偈引

大夫爲金明伽藍今受五戒已竟此不忘靈
山授記誠非夢事正如徑山之龍神鶴林之
米老然大夫之爲伽藍又傑出矣偈曰

霸業垂成卽泛舟豈圖血肉念無休從今受戒登壇
後永佐金明第一籌

瓦

做得工夫成一片方堪大治煉身堅莫嫌此是路傍
土偏向毘盧頂上眠

樹燈偈示慧峰八十壽

一樹燈明亘古今森森枝葉佛皆欽當陽直示無偏
黨鑑地輝天意轉深

示衍法華維那

試看誰能轉法華念翁撩起事堪誇何期子擬追踪

者撇下湖邊也克家

示佛心

火鎧鐵丸居常飯刀山劙樹自家園可能於此同棲
止始信壺中別有天

示靈虛

虛而靈寂而照動靜施爲有玄要觸着金風徹骨涼
捧爐神却翻茶铫

示衆

桑陰盤曲路無石雨後往來看脚下擬議之時跌一
交莫道隱川苔地滑

雨中向日葵示梵爲

越出羣芳不二天狂風妬雨一心懸任從日處重雲
內自向東西義莫遷

種田

退步由來是上前低頭覶破水中天忽然揷到退不
去撒手翻身跳上巔

隱川卽事

本自無心於富貴清香滿院掃難開白雲澹泞天空
碧燈盞無油明月來
道人到此且開懷今日無糧又有齋鄰過筆邊穿曲

60 1 2 3 4 5 6 7 8 9

10

80

1 2 3 4 5 6 7 8 9

撰述

方正福師詩錄卷八

主

徑鳥唧紅柿落霜墻

示照先

兩度追隨入蠡湖不離家舍在中途於今直示還鄉
去繡雪香芬莫負孤

示舜日杲法孫

舊案新翻喜有源急須戮力報師恩老僧親勘無憂
矣眉目分嫡骨孫

示寶如玉法孫

末季陵風孰仔肩瓦瓢盛雪煮青天春來又見兒孫
事一樹寒梅映水邊

任敬畏庵示衆

慧命懸絲入隱川那期舊話又新圓兒孫殃及重拈
出夜半優曇火裏鮮

曉窓卽事書爲羅子後又先叔姪

依依嫩綠雨初晴兀坐曉窓鳥語清且喜蘭馨真實
境道人風味不虛聲

示周蓮齋居士遠過隱川法名真禪

鴻山泥壁我打牆此事如何作較量相見別無閒話
會拋槌歸院點蒿湯

示羅居士捨地重脩建祖塔正首中直祖塔

支那

方正福師詩錄卷九

主

60 1 2 3 4 5 6 7 8 9

10

80

1 2 3 4 5 6 7 8 9

櫟述

外舊稿師詩錄卷九

祖塔穢汚深可悲者回不用問鑽龜個中血脉無多
子嫡骨兒孫更有誰

買地墓人非分外孫承祖業豈胡猜道人有地不須

買掘個深坑便好埋

畱文允言居士度夏丁未

毒暑飛蒸孰可逃惟君與竹却相饒廬山舊面分明
現來向淒淒破寂寥

示休巖壁法孫

沿流不斷要分明卓出重函貴眼清欲報汝師恩怨
處急須努力振家聲

示耕十頌并引

余嘗示耕此題立來已久尚未拈出恐多事耳
今有某某從侍殷勤特以祖業爲問余但微笑
某乃至再因出頌示之彼且不嫌荒鄙隨卽賡
和洵知時節因緣良有待也舉似大方獅子吼
野干鳴請試簡看

未耕

寥寥祖業不多爭纔見田園蓁莽生契券幸然明號
段惟人努力起家聲

開荒

支那

外舊稿師詩錄卷九

七

60 1 2 3 4 5 6 7 8 9

70

80

9

撰述

外傳福師詩錄卷九

鈍鎬橫拈入草叢那論朝夕苦施工荒丘若處都翻轉一曲高歌日已紅

下種

種子携來絕妄傳好平因地下機先但能不失農時候自有靈苗透水田

灌水

一粒根苗慎勿枯時將惡水長榮株縱教垂實還須潤未審農人會也無

耘草

異卉靈苗一處陳拈來須要別疎親更加耘到無耘

處野色青青滿眼新

刈實

試看良田稻正香及時收拾好秋光鐮刀拈起從頭刈風捲烟霞墜地黃

登場

風清月白滿肩挑大擔收來路不遙一總上堆隨日選好畱佳種接豐饒

篩颶

曾將敲落積山中淨穀還須入磨礪無數糠粃傾廄盡重篩白米奉姑翁

支那

外傳福師詩錄卷九

七

驗盡精梁收上倉
顆顆圓淨此中藏
老儂印記重叮囑
珍重吾家克肖郎

賑濟

忽憐飢餓苦何求
豈惜家私不我憂
一自打開無底藏
人人飽足我方休

和晉明牧牛頌

未牧

昂然頭角日咆哮
逐色隨聲路轉遙
無限春光渾不覺
何論觸處犯佳苗

初調

狹路相逢騫鼻穿
繩頭緊把猛加鞭
一回入草一回拽
那許從前野性牽

受制

一經苦制息橫馳
且把鞭繩欵款隨
縱使綠楊溪上臥
眼瞪瞪地豈能疲

回首

忽然識得便回頭
鞭影無加性自柔
漫道牧童爲易事
手中繩子放還畱

馴伏

60 1 2 3 4 5 6 7 8 9

10

80

1 2 3 4 5 6 7 8 9

撰述

小韻詩譜錄卷九

九

隨順從教這那邊逢源左右得安然試看步步春風
裏不費纖毫腕力牽

無礙

人牛坐臥總如如芳草坡中轉不拘綠樹陰濃新雨
後數聲短笛樂餘餘

任運

鞭繩掀下白雲中踏斷山丘草正茸幾度烟巒情未
已夕陽歸罷興還濃

相忘

調餘無事沒偏中那更有心分異同誰道潘郎多快

便倒騎驢背過橋東

獨炤

牛兒已喪赤身閒懶說枯椿天地間嘯月吟風雖足
快還須更透一層關

雙汎

合水和泥絕影踪孤城山寺日當空應知個裏真端
的幽鳥一聲花滿叢

和宋天封佛慈禪師蜜蜂頌

有序

予庚寅春移梅次掘深土得斷碑半截洗閱蝌
鵴有天封佛慈禪師法語八字下勒示語一篇

60 1 2 3 4 5 6 7 8 9

10

80

1

2

3

4

5

6

7

8

9

撰述

介菴禪師詩錄卷九

三

并密峰頌五首欵識紹興己未長至日攀頂支
離叟書遺祖照顏侍者予乃恍然曰此地五百
年前事彌露矣卽置之法堂及稽燈傳佛慈爲
圓悟嗣又考真歇了塔銘了曾祖照會中首衆
洵知二老出世開法金明非小緣也適子穀蔡
居士覲見力請表揚因述緣起并勉賡和順治
乙未春悟進識

附原頌

千花藥上刺香時百草頭邊得意歸一竅透穿通
活路遊絲無礙去來飛

風光占盡作生涯閑合門前趁晚衙君看不期而
自信兒孫整整世其家

桶底遭君打脫時從前活計頓拋離超然不戀舊
窠窟空有層層釀蜜脾

平生底事付風光日暖花開個個怡悅着等閑遭
一劄痛連心髓要承當

老○○○閉劄桐向上全參一竅通禪者不須窺
戶牖針鋒劄着面皮紅

類墮風光妙密機紛紛閑裏帶香歸百千慧命同心
接不令而行翼翼飛

60 1 2 3 4 5 6 7 8 9

10

80

1 2 3 4 5 6 7 8 9

撰述

介菴詩集卷之六

三

同門出入各天涯縱在途中不離衝滿徑芳菲皆活計翩然落草問君家

驚天動地出窠時義斷恩忘永別離從此門庭雖各立同風千里密生脾

朝朝鼓翅弄晴光拭露穿雲花底忙勞面相逢無避處一錐腦後痛心當

從緣入得這空桐透過窓櫺處處通豐儉隨家同受用江南三月落花紅

再和

豁開戶牖蚕春時覓得些些悄地歸試看當軒人跡

斷高吟一曲百花飛

沒生涯處忽生涯出內翻飛聲震衙就裏分明賓王定何勞更問我王家

綿密針鋒點點時恣探花落影離離從教鐵面銅睛漢觸着渾驚毒入脾

春來若處逞風光豈似花間蝶戀忙奕世兒孫承大蔭酬恩須要自擔當

個裏藏鋒妙古桐和光出入絕相通盡知釀蜜成家業不覺芳菲滿逕紅

三和

支那

介菴詩集卷之六

三

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

百萬英靈簇擁時獨拈花髓幾知歸頭陀不禁輕遭
劄惱亂叢林千古飛

先生漆桶足生涯日暖花香大放衙挨羽去來成底
事孰知福國裕民家

正值移梅春仲時饅頭邊遇老支離盤桓徹底針鋒
露句句希聲暢密脾

兩股花呈種種光回途不是等閒忙密移一步傾籌
室未許傍觀胡亂當

纏揚眉目倩疎桐不壞色香竅自通萬丈華峰畱不
住却來構李刺新紅

終

介菴進禪師語錄卷十

嗣法門人真在 真衍 真性 真本編

疏引

募脩金明寺緣起

金明乃宋佛慈禪師道場繼有賜紫淨惠大師開建
千佛寶閣開禧賜額至明成化間得祖昭大師重新
迄今又二百餘年矣余於戊子仲夏赴諸檀護之請
卓錫此地亦不免理廢席於榛莽整頽綱於荒陋時
有僧擬充脩造事余但以古德住院偈止之已經十
三載惟清冷逼人禪侶往來鮮能措足比見山門愈

地堂閣愈危得無坐視之責乎今蒙諸大護法矢心以脩葺見示余不得不拈出以告衆善信伏祈協力共襄福有攸歸偈曰海月湖天境自寬危堂破閣逼人寒要新此個舊公案信手揮來直下看

乞脩造偈引

隱川大慈庵乃金明寺之故地去濮溪二里許有勝山居之況新篁環翠細柳垂陰近構堂宇數椽其奈臥房未備有失往來禪侶之接今岩輪一上座遠從匡廬至此掛笠數月且不嫌荒僻堅請歷事觀其志可謂爲法忘形也余不能固辭特以舉似檀那惟欣

然捉筆揮出家珍作不朽之勝因則福果烏可涯量哉更述一偈

廿年不打這鼓笛今朝特地一翻新知音自肯傾心和韵脚分明十一真

大乘庵募重裝佛像偈引

慧上人請

刻雕成衆相聚沙爲佛塔無爲真佛實在我身由是觀之老瞿曇慈悲之故葛藤太煞余又如何引蔓牽枝耶偈曰小乘錢貫大乘井索要須聖相重輝必請高檀註脚

普明脩造引

妙峰素穎長老請

60 1 2 3 4 5 6 7 8 9

10

80

1 2 3 4 5 6 7 8 9

建寧普明山寺乃我先老人養育賢才陶鑄聖凡之所其層巒擁翠萬脉歸宗南北往來鮮有不至者予自癸未春出山屈指於今一十七白矣屢欲慰安衆望無奈蠡湖破院兼病體羸尪未遑跋涉溪山因循歲久以致妙峰素公深憂古道垂秋叢林凋落特與普明知事相商不辭數千里杖笠來迎過嶺共整陳綱繼起祖席亦足知其爲法門師弟之誼至矣然病朽愧不能入山又烏忍安坐付傾倒於弗聞耶凡我同志力挽頽風普明有賴其中更有一段光彩劫外風流試問取妙峰定爲道破順治己亥孟冬下澣七

日構李金明介菴進朽題

齋單

陶朱富而有餘金明貧之不足說甚雲門餅趙州茶一味五味管取無下口處而今不妨更拈草料細切清風一任橫吞豎咬忽得嚼着些些定見千佛閣頓生光彩構李亭重整規模人人慶贊皇圖處處莊嚴佛土大眾莫道空疎伏唯珍重

敬畏庵緣起

嘉禾范蠡湖西有敬畏庵乃我祖無趣老人隱居道場也創自明之嘉靖間其來百餘年矣緣老人俗姓

60 1 2 3 4 5 6 7 8 9 10 1 2 3 4 5 6 7 8 9 10

撰述

介善禪師詩集卷十

三

施里中多稱施庵云庭旁有大槎櫟樹老人嘗與徑
山無幻祖說法其下有陸五臺諸公訪道參扣老人
寂後卽塔本庵庵中疎竹清池佛室數楹後有見如
徹師啓建樓宇崇禎戊辰歲徹孫日明輪公繼擴中
樓徹師係老人外孫老人外孫五徹師行四長爲沈
鶴齋公卽護法羅仲吳居士外翁也居士於構中樓
時曾助輸公緣就自畱革以來頓覺頽圯余住金明
去庵不數武常過禮塔目擊心憂茲日明公擬完夙
願同余弟子羅子先持冊乞數語引導衆信蓋子先
乃仲吳居士之子輪公不忘舊護故借之來余合掌

化齋米疏

無能乞

加額遂述緣起以告檀那共襄勝舉俾古佛道場復
見一新其福德又烏可涯量哉凡樂助者點筆於後
勒石以垂不朽焉

釜甌生塵法從緣起鉢盂啓口道在人弘展布袋於
十字街頭露肝膽於三家村裏固廩打開管取人人
具足堅囊頓破直教個個周旋化亦真施亦真離根
香擁菊花新食輪轉法輪轉風吹落葉兩三片時當
九日捉筆欣然大力檀那快心樂助

化燈油引

60 1 2 3 4 5 6 7 8 9

10

1 2 3 4 5 6 7 8 9

10

紙燃無油通人委悉空谷有神達者方知若向無油處着眼管取騰今耀古能於有神中展手直教赫地輝天搵搔頭顯發無始滅光漆桶裏露出本來面目舉似高檀快然傾倒

山林裏固應休問昔更人
老病方知古矣誰說孟叔曰歡空人追風亦妙休
此後未復

無消息

良一識其師壽又無日遺重斯子樂也音理學人妙

那聽暮鼓晨鐘那裏相舉野古軒故與

序跋

源流頌序

佛祖密室中有一段因緣從來無人覩着何故覩着則瞎祇如臨濟興化父子授受源流有據諸方但以化得三聖大覺力而拈臨濟香更有謂臨濟不傳興化而化在三聖大覺處悟得先師喫棒底道理後拈香臨濟蓋僭嗣也若此妄鑿古人何異矮子觀場今諸子云從上佛祖皆見有付法偈旣已刊出燈錄何至馬祖下不刊亦復不見法偈爲是無付爲復珍惜不彰咄黃河三千年一度清汝等冬瓜茄子見個什

60 1 2 3 4 5 6 7 8 9

10

80

1 2 3 4 5 6 7 8 9

麼雖然憫子誠懇不得已卽將佛佛授手祖祖相傳
源流法偈機語隨錄頌出輒成一帙敢以公諸天下
萬世明眼報佛深恩知佛祖授受之有的據益俾德
勝無焚衣之悔耳還見正法眼藏麼一隻破草鞋無
底亦無對

鶴湖和尚頌古序

從上慧命源源如線而出車溪尤甚一絲懸於九鼎
幸我老人一肩擔荷密用潛行於水邊林下二十餘
年隱顯以時罕逢識者崇禎乙亥春有嚴雙轍居士
參師慇懃不下便乃復白苧普明廢址狠請以居及
郡紳士咸迫師以病堅辭不得已勉赴揀草開荒率
衆住靜不期丙子秋因事挈杖入閩後之住院開法
亦號普明正如杲日麗天無有所不燭也嘗謂余曰
老僧和牧牛并諸頌古子看何如答曰情知老人向
異類中行師曰如何異類中行事余便兩手拓地再
拜而出今復閱普明遺稿牧牛諸頌大有不同處如
何是我老人不同處聾謹輯此刻以俟賢者

跋無趣和尚真蹟

丁亥秋抄余過敬畏庵禮吾無趣祖塔次有孫喻微
忽出殘紙一幅相似余捧讀之是趣祖親書示龍湖

60 1 2 3 4 5 6 7 8 9

10

1 2 3 4 5 6 7 8 9

80

1 2 3 4 5 6 7 8 9

先生法語不覺忻喜乃云祖師真蹟若優曇花實爲希有今旣見者宜珍藏之喻微云見此一篇卽見祖師面目矣咄哉癡子祖師面目安在紙上耶旣不在紙上且道祖師面目又在何處吁袈裟零落難縫補收捲雲霞自剪裁

隱川集自敘

壬辰秋余同卜右文居士抵濮溪道經村落訝其徧地荒蕪狐兔陵食星散農家俱困緩惰至於禽無巢卵樹乏斧柯縱使神農之化亦難矣士乃指片地云此金明賛疣也余目之曰噫此地只少一稼耳是冬

卜右文羅子先二居士同衆信捐貲購地別創一廬於川上余名曰大慈庵蓋取濟度此方之義示耕數載頗與彼生息迥別農人皆異之雖大義茫然乃有稚子傍桑陰學種瓜之意但覺狐兔潛藏桑苗葱鬱悠悠乎風清月霽於三間茆下落落乎鳥啼花笑於千頃畬頭余時啜白湯烹野藿吟咏其間庶不孤村居之幽況矣爰述數語以揭初因并志諸護之竭心焉

跋子蕃朱居士寶夢記

未到這裏直須疑着旣到這裏切忌住却若恁麼會

60 1 2 3 4 5 6 7 8 9 10 1 2 3 4 5 6 7 8 9 10

與寶夢記轉不恁麼會亦與寶夢記轉舉似明眼請
下一語看

跋南明和尚語錄

法門陵替甚矣按萬曆間宗師家頗尚孤峻遙相隱謝此一變也逮天啓時方有人出法門似覺可觀至鼎革來十餘載泛濫彌漫此又一變也蓋翁于泰昌改元遷化其操履卓倫非今時可擬閱是錄者當具別眼法門有望焉

箴銘

卽事偶箴

無上妙道不落言詮真妄雙泯直指單傳或棒或喝非教非禪了達知見勿談要玄和光同塵有實有權無罣無礙任運翛然獨超物外迴出劫前巍巍堂堂濶步大千風清月白別是一天大慈佛法博飯栽田葛藤割斷弗扯章篇初調犢子驀鼻繩穿或犯苗稼時猛加鞭純乎哮吼放浪林泉紹隆佛祖惟在志堅千鈞重擔努力一肩王持門戶赤手空拳無量妙義一一重宣中道不立那有偏圓一金鎔出釵鉶鉗鉏

橫拈倒用信手自便懶殘風味石枕高眠日上月下
何故周旋體性圓明電拂聖賢迷真逐妄誠可悲憐
貧窮學道淤泥出蓮生死呼吸何論少年耽着五慾
業覆情牽渠無能所寧有益纏須知端的山邊水邊
誅茆伐竹聊構數椽或問如何誰曰隱川不局命運
豈逐世緣騰蛇改格枯淡自全若爲知已芳草芊芊
牙銘

我年剛五十牙生四十五爾以我固堅我以爾利腑
嚼斷玉石根喫盡鹹酸苦無爾不相和無我不吞吐
齊密且關風溪隱自回互今者脫然離我何忍其土

哀哉銘爾衾日輪正當午

眼鏡銘

昏之以明明之以昏惟爾其精莫知其神

獅子玉章銘

獅子牙爪琢出崑岡踞地哮吼驚走狐狼雖無一字
文彩難藏印住印破隱川之章誰能任重惟爾用光
玉魚銘

美質無瑕深藏峙屹誰琢誰磨徹頭徹尾平地波濤
潑天風雨慎勿輕躍善爲珍體

佛牙櫃銘

廣若姚居士請

60 1 2 3 4 5 6 7 8 9 70 1 2 3 4 5 6 7 8 9

撰述

方舟禪師詩錄卷一

九

無上慈尊從地湧出微塵界中放光現瑞值示羣迷
廣宣妙義世所希有凡聖叵測若能見聞殊勝福利
擁護是幢賴斯名龕

王廟碑

文殊論釋曰空門妙義以章鋪繪五重鋪爾用大
輪千千舟奉出量而報也學中密意那更難無一字
確乎王章確

看來良知良能以各歸其詳莫取其軒

題詩稿

東坡拾遺余日諦玉賞平

佛事

爲徑山曇周師火

師以火炬指龕召衆云還見曇周師落處麼脫或未
然今日進上座爲伊點出去也良久云叢林輔弼已
經年一旦相傾五老前山岌岌水潺潺昨夜三更月
正圓擲炬云優曇花發火中鮮

爲敬畏庵蓮禪人掩龕

師以拄杖擊龕一下云生耶不道雲斷寒猿啼古路
又擊一下云死耶不道林殘羸鶴唳空巢喻微蓮公
於斯會得白日傳心靜青蓮喻法微其或未然金明

支那

上卷第十一目錄卷十

十一

卷之十一

60 1 2 3 4 5 6 7 8 9

10

80

1

2 3 4 5 6 7 8 9

爲汝說破遂掩上云樹頭黃葉落且向此中看復擊一下

又火

舉火炬云生死關頭絕要津西風切切送歸人急須火裏翻身去一朵青蓮劫外春遂投火炬

爲萬福庵法林上座火

師云圓公圓公汝當時在我室中有一則公案有權有實有照有用爭奈未後未圓汝還記得麼金明今日爲汝當衆拈出良久云明明不覆藏明明絕回互生死與去來杲杲日輪午若也圓得定然不向別處

流轉脫或未然我今爲汝圓却且道作麼生圓百草頭邊光燦爛更嫌何處不風流遂擲火炬云燒

爲母賀氏孺人掩棺

師至棺前作女人拜顧視左右云還見我老母麼若謂此便是此乃父母精血所成終歸敗壞且道我老母在什麼處復高聲召云老母老母放下着卽以手掩上

起棺

師以拄杖擊棺三下云來時不增去時不減此土西方不隔一線若然凝滯體亦難見惟我老母信行自

60 1 2 3 4 5 6 7 8 9

10

11

9

撰述

行持福師語錄卷十

十一

便且如何得自便聲遂以杖引之而出

掩土

師撮土召云老母離塵合覺離覺合塵今日離合且置祇如歸根得旨一句作麼生剗開荒草地遍界藕花香以土掩之

爲張恒所居士掩龕

師云生也恁麼死也恁麼生死去來了無干涉脫或不然金明爲汝下手去也遂掩上云坐斷千差路從教五眼窺喝一喝

爲栢山素弘理長老起龕

師以杖擊龕云橫身異類于西子湖頭赤骨婆心于栢山寺裏三十年來忠孝驗在目前百千載去恩怨且看脚下將謂你完我誰知我完你且止更有一着汝等還見麼卓一卓云步步着力便起

舉火

師舉炬云起廢席整頽綱素位而行建法幢立宗旨恢弘祖道只如事理圓融徹骨徹髓一句又作麼生迸出通身三昧火爲人不顧兩莖毛遂掠下

入塔

師至塔前以杖指骨云大衆這是你本山堂頭和尚

60 1 2 3 4 5 6 7 8 9

10

80

1

2

3

4

5

6

7

8

9

撰述

外傳附錄卷第十一

一生受用不盡底今日入此殊勝光明幢中輝天鑒
地無黨無偏且道全身奉重又如何豎起拄杖云巍
然一塔黃金骨直矗青霄萬壑垂喝一喝便放下

爲太倉宦陳修長老封龕

師至龕前卓拄杖云古塘捕草運大悲手於未萌繡
雪開山努摩離眼於未季今雖能事已畢尚有公案
未了以致老僧不惜眉毛要問汝大眾還知伊不了
處麼良久云問取我孫澄首座便封

爲敬畏庵日明耆舊火

平野監院請

師舉炬云林泉落莫正斯時黃葉紛紛滿路岐聚散

不知情自戚槎漣歲歲露霜枝這是吾祖無趣老人
受用不盡處幸我日明耆宿固守一生適來遽爾長
往金明無可薦揚惟贈一星猛火便掠下

爲得中知客火

師舉炬云會麼赤日炎炎萬里無雲薰風煜煜青天
有過去此一途中道不立且道別資一路又作麼生
山僧爲汝下個註脚遂掠下云燒

爲本智上人火

師舉炬云全愚不愚本智非智或喜或瞋如幻如寄
邇齋供衆十二年終日街坊耍兒戲一朝拾得草鞋

錢撒手呵呵便歸去大衆且道他歸何處遂擲炬云
急着眼覶

曹繼宗請爲郁氏全玉掩棺

師以杖擊棺云全玉二十年前取名二十年後入殮
汝心念佛已切佛令汝心已清忽得前後際斷撒手
歸家心佛一如無非極樂雖然更須知藏身處沒踪
跡沒踪跡處莫藏身還會麼臘雪未融千澗水春風
又發萬山花復擊三下

爲張居士火

師以杖擊棺云寒雲楚楚生也一棒寒色淒淒死也
一棒惜乎爾兄可悲可痛五十二年一場春夢今日
到此還醒也未若也醒得紅塵堆裏一任逍遙荒草
溪邊無非極樂新殃不作舊孽自除如或不然看看
火來也遂下火

爲香祖蘭公掩棺

廿年深隱冷棲遲孤影追踪足孝思不意去春歸此
日何期此日又歸西蘭公蘭公嘯月眠雲於黃葉庵
中生本不生攢眉跨竈於歸老堂裏滅何曾滅潛心
幽韵未透玄關細嚼寒冰方伸雅志雖然蘭植中塗
猶未免無經時之歎且道即今還有去來之相也無

60 1 2 3 4 5 6 7 8 9 10 1 2 3 4 5 6 7 8 9 10

撰述

列傳神師語錄卷十

古

以杖擊香几云全身放下渾閒事劫外瘦梅瓣瓣香爲報忠德安公火

師云春風澹蕩去來情自灑春雨初消泥水滑如油祇這個時節若也會得不惟雲開日露便得就路還家如或不然總是生死岸頭事今日汝徒傳慧特請山僧爲汝薦往一句作麼生遂舉炬云桃萼爛紅鳥語碎綠楊垂處棹方歸乃攏下

爲倪全壽起棺

師以杖擊棺云一切衆生性清淨從本無生亦無滅既無生滅安有去來倪全壽還會麼放身命處超于

彼鐵壁銀山絕蓋纏拽杖便起

舉火

師舉炬云七十餘年却似風此回燬過總成空昔時曾示于今日無限春風入普同遂攏下

爲無塵上座火

師舉炬云出家脩道貴眞實毫釐有差天地隔五十六年虛自持平生甘苦俱狼藉不狼藉遂打一圓相擲下云竹邊猛火燒來春好笋出咄

爲秋澗禪人火

師舉炬云學道之人不得眞祇爲從前認識神無量

60 1 2 3 4 5 6 7 8 9

10

80

1 2 3 4 5 6 7 8 9

撰述

介菴禪師語錄卷十一

劫來生死本癡人喚作本來人所以老僧日前爲汝
煅煉幾番其奈汝夙障纏固不得脫洒自由今日又
承汝父潛愚汝叔完愚兩居士始終請老僧了汝一
生之事可謂恩大難酬老僧不免放出火光三昧更
爲汝煅煉一回徹骨徹髓去也遂攢下

爲心融境師火

師舉炬云心由境滅境逐心沉心境一如山高水深
今日孝孫眉公虔請本山方丈爲伊師祖心融境公
送往生本不生法臘七旬滅本不滅芻山戒律不惟
報本酬恩可謂一心而融萬境矣且道卽今心在什
麼處不則更爲下個註脚良久云臘月火燒冰遂攢
下

門人施博 真潔 真慧

真仁

真和

真馨 開

古吳門人 真衍 等敬梓



卷之三

60

1

2

3

4

5

6

7

8

9

10

1

2

3

4

5

6

7

8

9

80

1

2

3

4

5

6

7

8

9

大
中
大